

# Ãndūni sul-kasengã tî b booond tî nasyôzini wâ sart-râmba

*la ãndûni fâa bu-kaoor  
ziigã no-tûudsi*



Charte des Nations Unies et Statut de la  
Cour Internationale de Justice en *langue  
nationale mooré*

CINU  
Ouaga

*Ãndûni sul-kasengâ ti b  
booond ti nasyôzini wâ  
sart-râmba*



*la Ãndûni fâa bu-kaoor  
ziigâ no-tûudsi*

Beooglgo

Nasyōzini sart-rāmbā yākr yu Sānfrāsisko tēngā, yuūmd 1945 soabā sigr kiuugu rasem 26 raare. Yu ānduni fāa sullā (nasyōzini) tigs-kaseng loogr poore. La yaa yuūmd 1945 soabā zī-likr kiuugā rasem 24 raar la sart-rāmbā tūub sing yā. Āndūni fāa bu-kaor zīigā no-tūudsā yaa noy sēn naag Nasyōzini wā sart-rāmbē.

Rē poore, remsg n wa kē koees sānda pusē yuvm̄d 1963 soabā yuvm̄-sar kiuugā rasem 17 raar tigs-kasengā poore. Koe-bāmb yaa koeeq 23 soabā, koeeq 27 soabā la koeeq 63 soabā, la b sing-b-la tūub yuvm̄d 1965 soabā sa-sik kiuug rasem 31 daare. B le wa n demsa koeeq 61 soabā tigs-kaseng ning sēn zīnd-a yuvm̄d 1971 soabā yuvm̄-sar kiuug tigs-kasengā daare. Rems-kāng singa tūub yuvm̄d 1973 soabā bōn-biuvung kiuug rasem 24. Remsg ning koeeq 109 soabā sēn paam yuvm̄d 1965 soabā yuvm̄-sar kiuugā rasem 20 tigs-kaseng raarā paamame ti b na n sing-a tūub yuvm̄d 1968 soabā sigr kiuug rasem 12 raare. Koeeq 23 soabā remsg n yi sabab ti kōnseydesekirite wā sull neb sōor paase ; n yi 11 n ta 15. B sēn wa n dems koeeq 27 soabā la b yeel ti buud tvum̄d weēngē, rallame ti sullā neb nins sēn sak-bā ta bāmb b 9 (yaool n da ya 7). Leb n ya boto ne noor buud fāa me rikr weēngē; rallame ti ta sullā neb a 9 n vēneg b mens n dīk-a (be me 7 ra sekame), la zī-kāngā wā, sullā neb a 5 nins sēn pa yit-bā (tēn-duumdsā) noy naaga be.

Koeeg 61 soabā remsg sēn sing tūub yvymd 1965 soabā sa-sik kiuug rasem 31 raarā kitame ti kōnseyekonikā sull

neb sōor yi 18 n ta 27. B sēn lebs n dems koe-kāng tī rē sung tūub yuuemd 1973 soabā bōn-biuvung kiuug rasem 24 raarā paasa sul-kāngā nebā sōore, tī yi 27 n ta 54.

Koeeg 109 soabā remsgā yu a pipi tēkā zīigē. A wilgame tī āndūni sul-kasengā (nasyōzini) neb tōeeme n zīnig tigs-kaseng n ges n toeem koees nins sēn be-b sartā pugē wā, la noorā rikda tigs-kaseng wakate (asāmbleē wā), tī sēn zēk-b b nusā ta sullā neb yiib-tāabende (neb a 3 fāa bī 2 zēke). Sēn paasd rēnda, rallame tī kōnseydesekirite wā neb a 9 me sak n paase (pīndā ra yaa 7 bala). Koe-kāngā tēk a 3 soabā zīigē me, remsg n da segd n kē, la remskāng yaa tigs-kaseng piig soabā sasa la b segd n ges n kēes-a. Ra segd n yu sart-rāmbā remsg tigs zugu. La b kell n basa zī-kāng wa pīndā, ba tī ket n guls-a beenē tī “kōnseydesekirite wā neb a 7 koees sekame”. B bas-a-la woto, tī bala tigs-kasengā ne kōnseydesekirite wā goma koe-kāng zug tigsg-gānegdg piig soabā sēn yi yuuemd 1955 soabā pugē wā.

**Āndūni sul-kasengā tī b  
booond tī nasyōzini wā  
sart-rāmba**

*Tōndo,*

*ti d yaa Nasyōzini zāma yīngā*

*n sēbg d suka*

*n na n modg ti zāmā nins sēn wat-b tōnd poorā tōog n yi zabā naongē, ti bala, ninsaal a yembr vuimd tek bal sekame t'a yā sāang ning sēn zīndā,*

*n na n le moon n taas d sid-kūn ninsaal yel-mengr fāa paoong weengē, ninsaal burkīndlīm gūusg la a tirlem weengē, pag bi rao durwa-rāmb zems taab weengē, la tēn-bed la tē-bāooneg me durwa-rāmb zems taab weengē,*

*n na n zīnig soay sēn na n tū n gū burkīndlīm la bv-sida, la noor buud fāa sēn ya āndūni gill manegr sor fāa sakre*

*n na n teel nin-buiid tilgre, la d kēes vvum sēn ya yol-yole, la soog-m-meng sēn tar pāng n yud pīnda,*

*ti rē n so ti d yāk yam*

*n na n vvumd sak-n-taar vvum, n na n vvumd bāani ne taaba, la d maneg d yak-n-taar ne taaba,*

*n na n naag taab n paam pāng n gū zāmaanā vvumd ne laafi, bāani la soog-m-menga,*

*n na n sak no-gānegds toor-toore, la d zīnig yam-dāmb  
sēn tōe n yi sabab n gigd ti bug-raoog sā n wa kēed  
tvvmdē fāa, yaa sēn na n maneg nebā fāa gill yīnga,*

*n na n tikd āndūni wā sul-kasemsā n paam d nin-buiid  
tilgr la d arzek fugr soaya,*

*d yāka yam n na teel taab n tōog ti d sēn  
datā fāa yi.*

*Woto wā, d tēmsā goofneerā taoor-dāmbā sēn ya neb  
sēn gomd b zāma-rāmbā fāa yvvr yīnga, tigsa taab  
Sānfrānsisko tēngē wā n wilg ti b sakā sart-kānsā. Ti  
sart-bāmbā me sakrā woto wā pakda sore, ti sull sēn yaa  
āndūni gill sul-kaseng na n doge: āndūni tēms fāa gill  
sul-kasenga.*

# Pipi noore

## Raab la no-tūudsi

### Pipi koeeega

Nasyōzini sullā luglgā vōor la woto :

1. Laafī la bāani gūub āndūni gill pugē : rē yīnga, nebā fāa na n lagemda taab n dīkd noy sēn tar pānse, laafī la bāani gūub weengē ; la zabr buud fāa tuvsg gudgr weengē. A na n le tūuda āndūni gill bu-kaoor soay sēn ya turse, n baood manegr zīis nins sēn tōe n wa yi sabab tī gudgr wa zīndē fāa.
2. Zood yalgre, tēmsā ne taab suka, tī zoodā sēn tūud sor ningā yaa waoog-taab la ket n so m menga. Rē poore, a na n teenda būmb fāa sēn tōe n sōng ne bāani gūubu.
3. Āndūni gill tēms ne taab tumd-n-taar sōngre. Rē yīngā, a na n tūpda zu-loees sēn be tēmsā ne taab tōkr weengē, b nin-buud ne taab zīnd-n-taar weengē. Rē n so t'a na n kengd-b ne ninsaal yel-segdī wā gūusgu, la a burkīndlīm gūusgu, tī pa tūud a soabā yīng yalē, a buud gomd bī a tūudum ye.
4. Tuvm bī būmb fāa sēn sōngd ne dūni gill neer fāa baoor yūbo.

### Koeeeg a 2 soaba

Nasyōzini sullā tēms ne b nebā fāa na n baooda būmb nins sēn gom pipi koeegā pugē wā, la b na n gūusda no-tūuds nins sēn pugdā b tuvmā puga :

1. Sullā tiglga noor sēn yet tū sullā tēng ne a to fāa yaa a yembr zugu. Tēng fāa zema a to, a le soo a meng wa a to wā me sēn so a mengā.
2. Sullā tēms sā n dat n dī b sullā pugē belem yōod la a nafa-rāmba, rallame tū ned kam fāa pelg a pug n sak būmb fāa seb-kāngā sēn na n dogl a zugu.
3. Sullā tēms pa tūud zab n welg b yōs-taab ye; tū rē wā yaa b sēn pa rat tū āndūni wā gudgi, tū nebā pelems yegd ye.
4. Sullā tēms ne tab tuvmd-n-taar weengē, b pa na n yaeesd taab ye, b pa na n kēes pāng me ye. Woto wā yaa ziig zānga: tēng todz giblg weengē, tēng meng soog-m-meng weengē, bī būmb a to sēn pa segd ne sullā raab fāa weengē.
5. Sullā sā n gāneg tuvmd fāa, a tēmsā gill na n pelg a pvs n teel tuvmdā wa seb-kāngā sēn na n wilg to-to wā. Tēng fāa sēn be sullā pug me na n gūusame n da tū sōng tēng sullā sēn zoe n gāneg sibr a zug ye.
6. Sullā na n modgdame tū ba tēms nins sēn pa be a pugē wā tuvmdē tū zemsd sullā raabo, āndūni bāani la a yam-gāag yīngā.
7. Seb-kāngā pa gāneg noor ba a ye n yetē tū sullā tara sor n tu kē tēng toorē yell pugē ye. A pa le wilg tū tēng tōe n dīka yel-kāngā buud n dat tū sullā welg-a ye. Sēn be bala, yam-yāk-kāng pa gūdgđ sibgr toortoor nins sēn gāneg sebrā Noor a 7 soabā ziigē wā ye.

## Noor a 2 soaba

### Sullā tēmse

#### Koeeg a 3 soaba

Tēms nins sēn ya-b nasyōzini sullā lugundbā yaa tēms nins sēn zīnd-b Sānfrānsisko tigs-kasengē (tigs-kāng vōor yu āndūni tēms gill sull luglg sor baoobo). Leb n yaa tēms nins sēn tik b nus nasyōzini pulengā sebr zugā (deklarasō wā) yuumd 1942 soabā yuum-vēkr kiuugā pipi raarā. Rē fāa poore, tī tēn-bāmbā le tik b nus sart-kānsā zugu, n sak n na n tum ne-b wa sēn na n gāneg koeeg 110 soabā zīigē wā.

#### Koeeg a 4 soaba

1. Tēms nins sēn tōe n kē-b nasyōzini sullā pvg yaa tēng buudā fāa sēn pa baood zaba, n sak n na n tū seb-kāngā noyā bī bvud buudā fāa nasyōzini sēn gānegde, tī sullā meng me ges n mik tī tēngā sid tōeeme la a le na n sakame.
2. Tēng sakr sullā pvg tūuda ne tigs-kasenga, kōnseydesekirite wā sēn kō noor poore.

#### Koeeg a 5 soaba

Kōnseydesekirite wā sā n zoe n gāneg gidgr bī sibgr sullā tēng zugu, a tōe n sagla tigs-kasengā tī yē me kell n dīk noor tī tēn-kāng pa tōe n le rī a sullā pugē belmā yōod ye. Yaa kōnseydesekirite wā n le tōe n lebs tēn-kāngā a sullā pugē belmā yōod rubē.

*Koeeg a 6 soaba*

Tēng sēn be nasyōzini sullā pugē sā n pelg a pug n  
kus seb-kāngā noyā, kōnseydesekirite wā tōe n  
sagla asāmble wā t'a rig tēngā n yiis sullā.

## Noor a 3 soaba

### *sullā zāab wila*

#### *Koeeg a 7 soaba*

1. wil-bēd nins b sēn maan tī na n̄ zāad nasyōzini sullā la woto : asāmble zeneralle (yē yaa sullā tigs-kasengā, tī tōnd na n̄ boond-a ka koeeg-koeeg tī asāmble), kōnseydesekirite sēn ya nasyōzini laafi la bāani koglgā zāadba, kōnseyekoniki, sēn yaa arzek la nin-buiid koglg yell getbā, kōnseydetitelle, sēn ya nasyōzini tēn-zāads zāadba, kōnseydezistiisi, sēn ya bu-kaoorā ziiga, la sekeratarya wā.
2. Seb-kāngā kōta sor tī zāab wil a tab tōe n̄ le wa maaname tī raab sā n̄ beē.

#### *Koeeg a 8 soaba*

Welgr pa na n̄ zīnd sullā pugē tuum buudā fāa pugē n̄ tūud f̄ ya pag bī rao ye. Yaa woto sullā zāab wil-bēdē ne a wil-bāooonesē fāa.

## Noor a 4 soaba

*Asāmble wā (Tigs-kasengā)*

### *Tigsgā-rāmba*

*Koeeeg a 9 soaba.*

1. Nasysōzini tēmsā gill be asāmbleē wā.
2. Tēng fāa neb sōor pa sēgd n yug bāmb b 5 asāmbleē wā ye.

### *Tvum la tōodo*

*Koeeeg 10 soaba*

Asāmble wā tōe n goma būmb fāa sēn be nasyōzini sart-rāmbā pugē yelle; a le tōe n goma nosyōzini sul-tumdsā bī a wilā tvum la b tōod yelle. A tōeeme n ges koeeeg 12 soabā sēn gānegā, n sok būmb vōore, bī a sagl būmb nasyōzini gill bī a tēng a ye; kōnseydesekirite wā gill bī a tēng a ye.

*Koeeeg 11 soaba*

1. Asāmble wā tōeeme n vaees n bāng dūni wā tumd-n-taar na-kēnd-bēda, āndūni gill na gāand bāani yīnga. Zab-teed reesg la b leebg gūusg kēeda tvum-kāng pugē. Vaeesgā poore, a tōeeme n yiis sagl bī noy n kō nasyōzini wā tēms gilli, bī kōnseydesekirite wā; wall tēmsā gill la kōnseydesekirite wā.
2. Asāmble wā tōe n goma būmb sēn kēed āndūni bāani baoob weengē fāa, tī sullā tēng a ye bī kōnseydesekirite wā sā n kos-a rē. Tēng sēn pa be

nasyōzini pug meng tōe n kosa rēnda, so-kāng yaa koεeg 35 soabā tēk a 2 soabā n kōt-a. Vaeesgā tuum poore, a tōeeme n tigim sals n kō tēngā bī tēmsā, bī kōnseydesekirite wā, tēngā bī tēmsā la kōnseydesekirite wā. Būmb sēn wōnd woto fāa ratame tū tuum tume; rall yaa tilae t'a tū kōnseydesekirite wā nugē, vaeesgā taoor bī a poore.

3. Asāmble wā tōeeme n yā būmb sēn wōnd a na n waa ne gudgr āndūni zug t'a leok kōnseydesekirite wā pīnda.
4. D sēn sōdg asāmble wā tuum-sānda ka wā pa woogd a tōodā yalem wa d sēn gom koεeg 10 soabā ziigē wā ye.

### *Koεeg 12 soaba*

1. B sā n tū seb-kāngā koeesā n dogl kōnseydesekirite wā tuumde (tēms sēn yōs taab bī būmb a to) asāmble wā pa tar a noor zī-kāng yes ye; sā n pa kōnseydesekirite wā meng n le kos-a būmbu.
2. Nasyōzini wā taoor soab sēn ya a sekretēer zenerallā taasda asāmbleē wā, tigs fāa wakate, yell buud fāa sēn be kōnseydesekirite wā nugē, āndūni laafī la a bāani weengē. A le togsda asāmble wā (tisg sā n pa beē, a togsda tēmsā toor-toorā) kōnseydesekirite wā sēn bas tuum ninga.

### *Koεeg 13 soaba*

1. Asāmble wā siginda vaeesg tuum toor-toore, la a gānegd sagls sēn na yīl:

- a. tū tēmsā zāadb tuimd-n-taar kēng taoore, la ninsaalbā yel-segdı wā yalg la b paam gūusgu;
- b. tū tēmsā tuimd-n-taar ne taab arzék la nin-buiid koglg weengē, rog-n-miki, bāngr la kaoreng teelg la laafī weengē paam manegre, tū nebā me fāa gill tōog n soog b mens wa sēn segde, n pa tūud b yīng kōbg bī a yalē, b buud bī b tūudum ye.

2. Asāmble wā tuvm la a tōod a taab sēn kēed koe-kāngā tēk 1.b. zīigē wā n be seb-kāngā noor a 9 la 10 zīigē.

### *Koeeeg 14 saoba*

Asāmble wā sā n miē t'a tuvmdā pa na n yik goam nins sēn be koeeeg 12 soabā zīigē wā, a tōeeme n bao yamsōms n tip būmbā fāa gilli, t'a sā n tagsdē tū būn-kāng tōe n waa ne neb sāang bī tēms ne taab zood sāango. Seb-kāngā kusg gūusgr me kēe beenē, tū bala yaa ka la b wilg nasyōzini wā vōor la a no-tūudsi.

### *Koeeeg 15 soaba*

1. Asāmble wā reegda kōnseydesekirite wā yvymd-yvymd tuvmā seb-kumbdse, la a seb-kumbds a taabā me n vaeesdē. Sēn be seb-bāmb pusē wā yaa noor buudā fāa kōnseydesekirite wā sēn dīk āndūni laafī la a bāani gūusgr weengē kumbgo.
2. Asāmble wā reegda nasyōzini sul-zāads a taabā me tuvm seb-kumbds n vaeesdē.

## *Koeeg 16 soaba*

Tēng naam zāab sā n wa kē nasyōzini wā nugē, tuum sēn dog asāmble wā bee sebrā noor 12 la a noor 13 ziigē wā. A tuvmd a yembr sēn tōe n yāk be n wilg yaa titellā vuug sēn pa zī-gūudsā sēb manesgo.

## *Koeeg 17 soaba*

1. Asāmble wā vaeesdame n ges la a yaool n sak sullā tuum ligi.
2. Sullā arzek yaa sullā tēms n modgd t'a kē wa asāmble wā sēn na n gāneg to-to n dogl tēng fāa.
3. Asāmble wā vaeesdame n ges la a yaool n sak arzek buud fāa sēn yiisd n kēes sul-tumdsā nusē, tī yaa rē goam la sēn be koeeg 57 soabē wā. A le vaeesdame la a get sul-tumdsā mens zāab ligdi, tī būmb sā n beē bī a togs-ba.

## *Vot tuvmde*

## *Koeeg 18 soaba*

1. Tēng sēn be asāmble wā pug fāa koeeg yaa a ye.
2. Asāmble wā sā n dat n dīk no-kasenga, rallame tī tēms nins sēn wa-b la b le sak n votā sōor sā n pui tāab bī yiibā fāa sakame. D sēn boond tī no-kaseng ka wā yaa wa noor sēn kēed āndūni laafī la a bāani gāag weēngē, kōnseyedesekirite wā tēn-yitsā yākre, kōnseyekonomikā neb yākre, ziig sēn be titell pug zāadb yākre (tī rē tūud koeeg 86 pipi tēkā sēn gānega), tēn-paal kōom sullā pugē, tēng gūdgr t'a ra le rit sullā pugē belem yōodo, tēng rig n yiis sullā, nasyōzini

tēn-zāadg zāab yam-yākre, la būmb wo būmb fāa sēn  
kēed arzekā welgr sak-sak fāa weēngē.

3. Noy sēn kēed yēl a taabā weēngē rīkr tūuda ne tēms  
nins sēn wa-b la b votā sōor sēn yūd-a, ba tī yaa b sā  
n dat n yāka yam tī no-kāngā bī no-kāngā rīkr na n  
tūuda sēn wa-bā sōor neb a yiib tāab fāa zugu.

### *Koeeg 19 soaba*

Tēng sēn be nasyōzini sullā pug pa tōe n naag n vot t'a  
sā n tara sullā zāab ligd-lobrā sēn dog-a wā yuum a yiib  
sēn pid bī yūd rēnda samd ye.

Sēn be bala, b tōeeme n kō a soabā sore, tī sā n mikame  
tī yaa padeng n be n kōt-a bvum.

### *Vot-rāmbā na-kēndre*

#### *Koeeg 20 soaba*

Yuumd fāa, asāmble wā maanda tigs-kaseng a yembre.  
La tulsem sā n wa beē, tōeeme n ling n bool tigs-kasenga  
(asāmble tigs-lingdsi). Sekreteer zenerallā n moond n  
bool tigsgā, la yaa kōnseydesekirite wā n koat-a, pa rē bī  
tēmsā wusg fāa n lagem n koas-a.

#### *Koeeg 21 soaba*

Asāmble wā n gulsd a tuumā na-kēndr la a so-tūudsi. A  
yākda ned tigsg fāa sasa t'a yī taoor saoba.

#### *Koeeg 22 soaba*

Asāmble wā tōe n ges n zīniga tuum wil a sēn tagsd tī b  
tōe n sōng-a-la ne a tuum-kēere.

## Noor a 5 soaba

Kōnseydesekirite wā

Sēn be-b kōnseydesekirite wā pugē

## Koeeeg 23 soaba

1. Kōnseydesekirite wā tēms sōor ya 15. Sin tēnga, Farense, Yinyō Sovyetiki, Garend Bertay, Yirlāndinoore, Etazini (Ameriki) yaa tēms sēn pa tond n yi kōnseydesekirite wā pugē. Yaa kōnseydesekirite wā tēn-duumdsi. Tēms piig nins sēn ketā yaa asāmble wā n yākd-ba, bāmb yaa tēn-yitsi. B yākrā tūuda ne vaeesg sānda sēn kēed bāmb me nidg pāng āndūni laafī la a bāani gāag weengē, nasyōzini sullā meng raab pidsg weengē, la rē fāa naaga ne gūusg tū āndūni wā ween-vūsā fāa neb buud fāa tōog me n zindi.
2. Kōnseydesekirite wā tēn-yitsā, yaa yūum a yiib-yiib la bāmb zīndgā tēka. Sullā tēms sōor ra yaa wae, tū b yāk yam n paas tū lebg tēms 15. La pipi yūumd ning tēmsā sōor sēn na n paasā, tēm-paal a yiib la b na n yāk tū bāmb zīnd yūum-yūumd bala. Tēng sā n zīnd kōnseydesekirite wā pugē n sa a daare, b pa tōe n le wēneg n yāk-a nand ye.
3. Tēng sēn be kōnseydeseikirite wā pugē fāa tara a no-rees beenē.

## Tūvm la tōodo

## Koeeeg 24 soaba

1. Nasyōzini sullā sēn dat t'a tūvmā yī tūvll la zems

sõama yînga, b yâka yam n dîk ândûni laafî la a bâani yellâ gûusg fää n dogl kônseydesekirite wâ. B sakame tî sën ya bâmb n kô so-kângâ wâ, kônseydesekirite wâ sën maan fää yaa bâmb gillâ yuvr yînga.

2. Kônseydesekirite wâ tuvm gill fää pvgë, a gûusda nasyözini sullâ luglg vôorâ la a no-tikdsâ. Tood toortoor nins kônseydesekirite wâ sën tar n tõe tum a tuvmâ yell gomame tî be noor a 6, a 7, a 8 la noor 12 soabâ zîigë.
3. Kônseydesekirite wâ tigsda yuvvmd-yuvvmd tuvmâ kumbg seba, tî bâmb sâ n pa beë bî a kîs seb-kumbds a taabâ asâmble wâ tî b vaees n gese.

### *Koëeg 25 soaba*

Nasyözini sullâ têms yâka yam n na n sakd kônseydesekirite wâ noor fää wa seb-kângâ sën wilg toto wâ.

### *Koëeg 26 soaba*

Ândûni laafî la a bâani baoobâ tuvm tõog n tum ne neb la ligd sôor sën paood wusg zab-teedâ zutu, kônseydesekirite wâ na n paamda teelg zabr sagls sullâ (komite detamazoaarâ) nengë n gâneg na-kênds sën na n wilg nasyözini têmsâ gilli, wa koëeg 47 soabâ sën gomâ, tî b ges n bao yam-dâmb sën na n tû n zâad zab-teedâ (n gûusd zab-teedâ yiisgu).

## *Vot tuvmde*

### *Koeeeg 27 soaba*

1. Kõnseydesekirite wā ned fāa koeeeg yaa a ye.
2. Kõnseydesekirite wā sā n dat n dīk noore, bu-kaoorē kēngr weengē, rallame t'a neb a wae tōog ye tī b sakame.
3. Kõnseydesekirite wā sā n dat n dīk noor būmb a to weengē, rallame t'a neb a wae vēneg b mense n sake, nin-duumdsā fāa naagda be. Sēn be yaa d bāng tī noor a 4 zīigē wā la koeeeg 52 soabā tēk a 3 zīigā wā, gomdā wilgame tī tēng toog sā n be būmb pugē, yē pa naagd n vot ye.

## *Na-kēndre*

### *Koeeeg 28 soaba*

1. Kõnseydesekirite wā zīnigame n dat t'a tuvd a tuvmā wakat fāa. Rall tēng fāa sēn be a pugē wā sēgdame n tar a ned nasyōzini na-zakē wā wakat fāa.
2. Kõnseydesekirite wā yāka wakat-rāmb n maand a tigissi. Tēng fāa sēn be a pugē wā tōeeme t'a sā n dat bī a yāk a goofneer ned bī nen-zēng tī tu lēd-a tigsgē wā.
3. Kõnseydesekirite wā tōeeme n maan a tigsgā zīig ning a sēn dat fāa, t'a sā n tēed tī beenē n na n yols yēnda tuvmdā n yūd nasyōzini na-zakē wā.

### *Koeeg 29 soaba*

Kõnseydesekirite wā tōe n lugla zāab sull ning a sēn date, t'a sā n tēed tū rē tōe n sōng-a-la a tuvmā weengē.

### *Koeeg 30 soaba*

Kõnseydesekirite wā gānegda a no-tūuds a toore. Be la a wilgd a taoor soabā sēn yākd to-to.

### *Koeeg 31 soaba*

Nasyōzini sullā tēng sēn pa be kõnseydesekirite wā pugē fāa tara sor n tu zīnd n naag kõnseydesekirite wā n sōs yell zugu, b sā n tēed tū tēn-kāng nafa-rāmb n be yellā pugē. Sēn be bala, yē koeeg ka vot pug ye.

### *Koeeg 32 soaba*

Nasyōzini sullā tēng sēn pa be kõnseydesekirite wā pug bī tēng sēn pa be nasyōzini sullā pug meng sā n be yōs-taab manegr sēn be kõnseydesekirite wā nugē, b boond-a lame t'a wa zīnd yōs-taab-kāng sōasgā zugu; la a pa naagd n vot ye. Kõnseydesekirite wā n gānegd yel nins sēn be tēng sēn pa be nasyōzini pugē waang tigs-kāngā buudē.

## Noor a 4 soaba

*Yōs-taabā paasg sēn pa tūud ne bug-raado*

### Koeeg 33 soaba

1. Yōs-taab sā n wa kē tēms suka, a woglgā sā n tōe n lenga āndūni laafī la a bāani, rallame tū tēmsā yik n bao yellā tūm ne zems-n-taare, vaeesg n wūm taab la suga kosgo, zab-paasdb baoob la bu-kaoor ūisē kēngre; tēmsā ne taab zemsg sulā tōkre, bī yam buudā fāa bāmb me sēn get t'a tōe n sōngame tū bug-raad ra naag tuvmdē wā.
2. Kōnseydesekirite wā meng getame tū sā n sēgda, bī a bool-b rāmbā n kēng manegr ning soay sēn sōdg tū loogē wā.

### Koeeg 34 soaba

Kōnseydesekirite wā tara sor n tōe n vaees yell buudā fāa n ges a sā n pa na n yī sabab tū tēms wa yōs taaba, la a bāng yōs-taab-kāng sā n tōeeme n wa rīk āndūni laafī la a bāani gudgr sore.

### Koeeg 35 soaba

1. Tēng sēn be nasyōzini sullā pug fāa tōeeme n wilg kōnseydesekirite wā bī asāmble wā būmb sēn tōe n wa kē koeeg 34 soabā sēn gomā zugu.
2. Tēng sēn pa be nasyōzini sullā pug tōeeme n maan tū kōnseydesekirite wā bī asāmble bāng yōs-taab yē meng sēn be a pugē. A sēgdame bal n deng n sak tū

wa seb-kāngā sēn gom to-to wā, manegrā pa na n tū ne zab-teeid ye.

3. Woto wā, sor beeme tū b tōe n kek asāmble wā wakat fāa; la vaeesg tuvmd buudā fāa b sēn dat ne asāmble wā, a rīkd-a lame n tūnug koeeeg 11 la koeeeg 12 zīigē goamā

### *Koeeeg 36 soaba*

1. Kōnseydesekirite wā tōeeme n ges yōs-taab sēn wōnd koeeeg 33 soabā sēn gomā n bao manegr na-kēndr bī manegr yam-dāmb n kō.
2. Manegr weengē buudā fāa tuvmē, kōnseydesekirite wā tuvdame la a gūusd gānegr buudā fāa sēn zoe n be yellā zugu.
3. Kōnseydesekirite wā sā n be yōs-taab pugē n manegdē wa sēn wilg ka wā, a gūusdame n ningd a yamē tū yōs-taab sēn kēed buud weengē wā segdame n tall n kēng āndūni bu-kaoorā zīig no-tūudsē.

### *Koeeeg 37 soaba*

1. Tēms sēn yōs taab wa sēn gom koeeeg 33 soabā zīigē wā sā n mak manegr n konge, b rīkd-a lame n taas kōnseydesekirite wā taoore.
2. Kōnseydesekirite wā sā n ges n mik tū yōs-taab tar n debdā āndūni laafī la a bāani sāangē, a getame a sā n na n tika koeeeg 36 soabā n tūm bī a na n yalsa zabrā saab soaya.

### *Koeeg 38 soaba*

Sā n mik tū tuvmdā pa na n yōsg koeeg 33 soabā bū  
koeeg 37 soabā noyā, kōnseydesekirite wā tōeeme tū tēms  
nins sēn yōs taabā sā n data, bū a wilg-b na-kēndr sēn na  
n tū sa yellā tū zab-teed pa kē ye.

## Noor a 4 soaba

*Bāani lengr sasa, zāmaan bāani saabo, la zabr gorgre*

### Koeeg 39 soaba

Kōnseydesekirite wā sā n yā tī būmb na n lengame bī saas zamaanā bāani, bī a sā n yā tēng sēn gorg a to zabre, a gānegda noya, wall a ges bōe n tōe n yik n maane, tī sakd ne koeeg 41 la koeeg 42 soabā tī āndūni laafi la a bāani lebs n zindi.

### Koeeg 40 soaba

Sēn na yīl n kok yellā t'a ra zāage, taoor tī kōnseydesekirite wā nan pa gāneg noy b tuvm sēn na n tum wa koeeg 39 soabā sēn yetā, a tōeeme n deng n bool zabd-n-taasā tī b wa tū sor n gūud yellā ning yākre. La so-kāng pa namsd b durwa-rāmba, b tagsg bī raab ye. B sā n tōdg a tūbu, kōnseydesekirite wā bīngda kūs-kāngā a yamē.

### Koeeg 41 soaba

Kōnseydesekirite wā tōeeme n ges na-kēnd-bug sēn pa tūud ne zab-teed la a tōe n dīk n teel noy a sēn dīke, n yaool n bool nasyōzini sullā tēms gill tī b tū-a. Bee na-kēnd-kāens pusē, yam-dāmb wa tolb buudā fāa bī tolbā-sānda wāagr ne tēnga, tōkr buudā fāa bī tōkr-sānda wāagre (wa tēr-dāmb kēna, bato-rāmbā sikri, sūlsā yēgbo, teel toolg ne lapostā la telegarem-dāmbā la tōkr soay a taabā me pagbo), la zems-n-taar tuvm-noy sānda saab wa āmbasaad-dāmb yikri.

## *Koeeg 42 soaba*

Kōnseydesekirite wā sā n mik tī wāasg woto wā fāa pa segde, bī b pus n pa tōe n maneg yellā, a tōeeme n sigl tuum a taab sēn yaa wa bugsg ne yīngr sodaase, koomē la tēng sodaase, bī būmb fāa sēn tōe n sōng ne āndūni laafi la a bāani zīnigr la a koglgo. Bee tuum-kāens pusē, tōog wilgri, zīis gīdbo, bī tuum a taab yīngri, koomē la tēng sodaas sēn be nasyōzini tēmsā pus tōogē.

## *Koeeg 43 soaba*

1. Āndūni laafi la a bāani koglgo yīnga, tēng sēn be nasyōzini sullā pugē fāa pulmame n na n sak n kō kōnseydesekirite wā t'a sā n koas-a, a sodaase, a teelg la yolsg tuumd weengē wa sak tī b kē bī b piwug f tēngā. Tuimdā sēn na n yī to-to wā gomdame n gāneg n guls sēb zutu; yaa akoaar-dāmba.
2. Gāneg-kāens (akoaar-dāmbā) sēn na n gulsā n wilgd yel wa nebā sōor sēn datā, būmb nins b sēn datā kōbgo, sodaasā zāmsgā sēn ta zīig ninga, b sēn na n zīnd zīig ningā, būmb fāa sēn na n teel-b bī kogl-ba.
3. Gānegrā tuumd yīta pīnd-pīnda, la yaa kōnseydesekirite wā n yākd yam-kānga. Gānegrā tōe n yū kōnseydesekirite wā ne nasyōzini tēms sānda bī kōnseydesekirite wā ne tēms sēn be nasyōzini pugē la bāmb me yaa sull-sulli. Tēng fāa sēn be gānegr pugē geta yē me kug-zīidsā noy n yaool n sak tuumdā.

### *Koeeeg 44 soaba*

Kõnseydesekirtite wā sā n wa yāk yam n na n kēng ne sodaas zīigē, a sā n dat tū tēng sēn pa be kõnseydesekirite wā pugē sōng-a zī-kāngā, bala koeeeg 43 soabā kōt-a-la so-kānga, a tōe n bool-a lame t'a sā n tuull bī a wa zīnd n kelg b sēn dat tū yē sodaasā tuum būmb ningā.

### *Koeeeg 45 soaba*

Sēn na yīl n tōog n yik tuull ne sodaas n welg yelle, nasyōzini sullā tēms sānda n na n bīng yīngr sodaas yambē wakat fāa. Rē, b sā n dat n sōog tēng noore, ya b yik n naag taab n weoog-a. Kõnseydesekirite wā geta gānegr nins yell sēn gom koeeeg 43 soabā zīigē wā n yik n naag sull ning b sēn lugl tuum-kāng yīngā n bao n bāng sodaasā sēn datā sōor la b zabr minim sēn ta zīig ninga, la b wilg tēmsā sēn na n naag taab n tuum tuumda to-to.

### *Koeeeg 46 soaba*

Sodaasā sēn na n tuum tuum ninsā yaa kõnseydesekirite wā n gānegde, tū zabr sagl sullā (etamazoaarā) sōngd-a.

### *Koeeeg 47 soaba*

1. B zīniga sull t'a yuur boond tū komite detamazoare (yē la tōnd sēn boond tū zabr sagl sullā) t'a yōod yā kõnseydesekirite wā saglg la a sōngr t'a bāngd būmb sēn kēed sodaar tuuma, āndūni laafi la a bāani baoob wēengē: sodaas la b teed sōor sēn sekde, tēmsā toortoorā sodaas sēn tigim taabā sēn zāad to-to, zab-teed koglg bī b reesg tēms nusē tū rē sā n wa sēgda.

2. Zabr sagl sullā neb yaa nasyōzini sullā tēn-duumdsā sodaas taoor-dāmbā, bī neb sēn led-ba. B tōeeme n bool nasyōzini tēng ning b sēn dat fāa tī wa naag-b n tvme, b sā n tēed tī tēn-kāng zīndgā na n sōnga ne tuvmā b sēn na n gānegā tuvmā.
3. Zabr sagl sullā bee kōnseydesekirite wā tēngr n get so sodaas la zab-teed fāa sēn dīk n kō kōnseydesekirite wā fāa zāab yelle. Zāabā sēn segd n yī to-to wā yell d na n wa gomame.
4. Zabr salg sullā tōeeme n leb āndūni wā babg-babg n lugl yēnda me nao, la kōnseydesekirite wā n dengd n kō noore, tī yē me yā bagb fāa sul toor-toor sēn zoe n be be wā, n lugl a naoorā.

#### *Koeeeg 48 soaba*

1. Kōnseydesekirite wā sā n gāneg noy bī tuvm āndūni bāani gūub weengē, nasyōzini tēmsā fāa bī tēms-sānda na n gesame n yols na-kēndr ning a sēn dīkā (yaa kōnseyā n yākd tēmsā)
2. No-kāens tūubā ne nasyōzini tēmsā tōeeme n yī turga (bāmb mens sak n tūudē), la tū bāmb me sēn na n nidg pāng tī sul nins b sēn be-b rāmb pusē wā me tēms sak n tūudē.

#### *Koeeeg 49 soaba*

Nasyōzini tēmsā naagda taab n sōngd taaba, kōnseydesekirite wā noy na paam tūub yīngā.

### *Koeeg 50 soaba*

Tēng sā n be nasyōzini sibgr pugē, tēng buudā fāa (sēn be nasyōzini sullā pug bī sēn pa be-a beenē) sā n mik tū namsgā long n tata yēnda arzek koglg wusgo, a tōeeme n taas kōnseydesekirite wā a yellā tū b bao a tum.

### *Koeeg 51 soaba*

Seb-kāngā pa gāneg noor ba a ye n gīdg tēng bī tēms sēn be nasyōzini pugē tū b ra yik n kogl b mense, tēng a to sā n wa gorg-b zabr ye. Tēngā bī tēmsā tōeeme n gāneg b kogl-m-meng yam-dāmba, n gūudē tū kōnseydesekirite wā wilg tuum ning sēn segd n tum āndūni laafī la a bāani koglg weegē. Kogl-m-meng yam-bāmb rīkdame n wilg kōnseydesekirite wā. La wilg-kāng pa gīdg kōnseydesekirite wā t'a yik n tum seb-kāngā sēn dogl-a tuum ninsā sēn yaa āndūni laafī la a bāani kogl wakat fāa ne yam-dāmb fāa yē sēn tar la a tōe ye.

## Noor a 8 soaba

### Babg-babg zems-n-taare

#### Koeeg 52 soaba

1. Seb-kāngā pa gāneg noor ba a ye n gīdgđē tī tēms sēn be babg a ye ra zems taaba, bī b maan bāmb me babgā tēms sull ye. Sā n mikame tī ba būmb ning sēn namsd āndūni bāani wā tūm tōe n wēneg n yāa bāmb me babgā pugē, yell kae zī-kāng ye. Sēn be bala, zems-n-taarā bī sullā sēn zīnigā la b tuvmā gill fāa segd n sakda nasyōzini sullā la a no-tūudsi.
2. Nasyōzini sullā tēms nins sēn maand-b zems-n-taar-bāmb bī sul-bāmbā segdame bal n modg n mamsd b yōs-taab manger tī pa tū ne zabre, taoor tī b nan pa rīk yellā n taas kōnseydesekirite wā.
3. Kōnseydesekirite wā kengdame tī yōs-taabā sēn be bagb fāa pugē wā tōog n yāt tūm bāmb me zems-n-taar-dāmbā bī b babgā tēmsā sulē. Yamā woto wā tōe n yī tēmsā mens nengē, wa kōnseydesekirite wā meng sēn tōe n yeel-b tī b lebg n tu yā taaba.
4. La koe-kāngā woto wā pa sāamd koeeg 34 soabā bī 35 soabā tuvm ye.

#### Koeeg 53 soaba

1. A sā n tōeeme, kōnseydesekirite wā tūuda zems-n-taar-dāmbā bī tēmsā sulā sēn be babg fāa pugē wā n

tōog t'a sibgr ta. Sēn be bala, tēms pa tōe n zīnd b  
babgē n gāneg sibgr tū b pa reng n wilg  
kōnseydesekirite wā ye. Sēn pa kēed beenē yaa tēngā  
sā n ya tēn-bēega, wa koe-kāngā meng sēn togs a  
vōor tēk a 2 zīigē wā, tū sibgrā me yaa sēn tū seb-  
kāngā koeeg 107 soabā n gānege. Leb n ya boto ne  
zems-n-taar sēn dat n sōng tū ten-bēeg ra le yik n le  
sung a wēngā yes ye. Yita woto hal tū tēmsā taoor-  
dāmb wa yā nasyōzini sullā t'a reeg tuvmdā n sōng-b  
tū tēn-bēegā ra yikd a gudgrā ye.

2. B sēn pud tū tēn-bēeg koe-kāngā yīngr tēkē wā yaa  
tēng tū āndūni gill zabr a yiib soabā sasa a yu tēng  
sēn sak n tik a nug sart-kāensā sebrā zugā be.

### *Koeeg 54 soaba*

Sēgdame tū kōnseydesekirite wā paamd kibayā fāa. Rall  
tēms sā n dat n zems taab b babgē n ges āndūni laafi la a  
bāani koglg yell fāa, yaa neer tū b togs-a.

## Noor a 9 soaba

### Āndūni arzēk la a nin-buiid tōkr ne taaba

#### Koeeg 55 soaba

Sēn na yil n sōng tī zāmaan fāa gāe bāani, t'a nin-buiid fāa tar laafi, bala rē la tēmsā noom ne taab la b pa baood zaba, n mi taab tī tēng fāa miē t'a to wā zema yēnda, a le soo a menga, nasyōzini sullā na n modgame n teel:

- a. ninsaalbā vuūm sōmblem paasgo, la yam-dāmb sēn na n sōngd ne yēegr la tulgr arzēk la nin-buiid koglg weengē ;
- b. āndūni yelā tut baoobo, arzēka, nin-buiid la laafi koglg weengē, la āndūni-rāmb tuimd-n-taar rog-n-mik yidgr la bāngr baoob weengē ;
- d. tī āndūni gill yik n sōng ne ninsaal yel-sēgdī wā (a durwa-rāmbā) gūusgu; a soog-m-mengā gūusgu, n pa welgd a yalē , a buud bī a tūudum ye.

#### Koeeg 56 soaba

Sullā tēms siuga taab noore, n yet tī koeeg 55 soabā pidsg yīnga, b na n nidga pāng toor-toor bī ne taaba, n tuimd ne nasyōzini sullā.

#### Koeeg 57 soaba

1. Tēmsā goofneer-dāmbā sēn yā taab n lugl sul-tuimds nins tī b tōe n tuim āndūni gill pugē arzēka, nin-buiid la laafi koglg weengē bī būmb sēn wōnd rē wā fāooga nasyōzini sullā wa koeeg 63 soabā sēn gom to-to wā.

2. Yaa sul bū tuum-zīis bāmb buudā fāa sēn dīk n fāoog  
nasyōzini sullā la d sēn boond kāanē tū "sul-tumdgā"

*Koeeg 58 soaba*

Nasyōzini sullā na n gānegda noya, n wilgd sul-tumdsā  
tuumā, la b sēn na n tumd to-to.

*Koeeg 59 soaba*

Nasyōzini sullā moondame n zīnig sōasg ne tēms nins  
sēn dat-ba, n lugl sul-tumdg paalle, koeeg 55 soabā na  
paam pidsg yīnga.

*Koeeg 60 soaba*

Asāmble wā ne kōnseyekonimikā (bala noor piig soabā  
rogl-a-la tuum-kāngā) n teend taab ne tuum nins sēn gom  
no-kāngā pugē wā la asāmble n be taoore.

## **Noor 10 soaba**

*Arzeka, nin-buiidu, rog-n-mik la bāngr koglg sullā tu b boond tu kōnseyekonomiki*

### **Kōnseyekonomikā neba**

#### **Koeeeg 61 soaba**

1. Kōnseyekonomikā yaā nasyōzini sullā tēms 54 n be sullā pugē. Asāmble wā n yākd-ba.
2. Koe-kāngā tēk a 3 soabā loogr poore, kōnseyekonomikā neb 18 la b yākd yuumd fāa tu b zīndid yuum a tāab-tāabo. F yuum a tāab sullē wā zīndg poore, b tōe n le yāk-f lame
3. Pipi votā na n yu kōnseyekonomikā neb sōor sēn na n yi 27 n ta 54 poore. Neb pisi la a yopoe la b na n yāke, la b le yāk neb a 9 nins sēn na n led-b neb nins sēn zoe n zīnd-b yuum a tāabā. La neb 27 nins sēn nan kē-b paalmā suka, neb a wae n na n zīnd yuumd a ye, tu neb a wae me zīnd yuum a yiibu. Woto la asāmble wā gāneg yā.
4. Tēng sā n be kōnseyekonomikā pugē fāa, a yākda a let tu be beenē.

### **Tuum la tōodo**

#### **Koeeeg 62 soaba**

1. Kōnseyekonomikā tōeeme n maan vaeesg tuvma, a tōeeme me n kut tu b sing vaeesg āndūni yel sānda

zug wa arzeka, nin-buiidu, rog-n-miki, kaoreng la laafi koglg wēengē, bī yel a taab mens sēn wōnd woto. A tōeeme n gāneg manger noy yel-bāmbā fāa zut n tees asāmble wā, sullā tēms bī sul-tumdsā.

2. A tōeeme n gāneg noy sēn na n sōng ne ninsaal yel-sēgdi (durwa-rāmba) la a soog-m-meng koglgo.
3. A tōeeme, yē me tōogā tēka, n tigim no-tūuds n kō asāmble wā n dat t'a rīke.
4. A tōeeme n moon n tigim āndūni tēmse, tū b sōs yel b sēn dogl yēnda wā zugu, la a tūuda sullā sēn gāneg na-kēnda ninsā.

#### *Koeeeg 63 soaba*

1. Kōnseyekonomikā tōeeme n zems nē sul-tumdg wa b sēn gom-b rāmb yell koeeeg 57 soabā zīligē wā, n wilg-a yē sēn na n tum ne nasyōzini sullā to-to. Zems-n-ta-kāens rīkdame n wilg asāmble wā.
2. A tōeeme n sōng sul-tumdsā tūum yōgneg ne a sēn na n sōsd ne-ba, a sēn na n kōt bāmb mensā bī nasyōzini sullā saglse, bī sullā tēms saglse.

#### *Koeeeg 64 soaba*

1. Kōnseyekonomikā tōeeme n tū sor ning yē sēn tōe fāa n paam sul-tumdsā tūum kumbg seb wakat fāa. A tōeeme n zems ne sullā tēmse, la sul-tumdsā n paam noy nins b sēn dīke, tū ya yē sēn sagl-b yīnga, la a paam asāmble wā sēn dīk noy tū yaa tūum sēn kēed b sēn dogl yē wā zugu.

2. A tōeeme n togs asāmbleē wā, yē sēn tagsd ne tuvmā seb-kumbdsā.

### *Koeeg 65 soaba*

Kōnseyekonomikā tōe n kōo kōnseyedesekirite wā kibaya, la a sōng-a t'a sā n dat sōngre.

### *Koeeg 66 soaba*

1. Kōnseyekonomikā tuum weengē, a tūudame la a maand asāmble sēn gāneg yel tū kēed yē tōodā weengē fāa.
2. A tōeeme, tū asāmble sā n kō-a sore, n tum tuum n kō naṣyōzini tēms bī a sul-tumds tū b sā n kaos-a.
3. A tumda tuumfāa seb-kāngā sēn dogl-a zīis a taabē wā fāa bī asāmble sēn tōe n wa rat ne-a.

### *Vot maanego*

### *Koeeg 67 soaba*

Kōnseyekonomikā ned fāa tara koe-yenga. B sā n dat n dīk noor kōnseyekonomikē wā, yaa sēn wābā, la b sak n votā sōor sēn yūg-a n dīkde.

### *Tuvmā na-kēndre*

### *Koeeg 68 soaba*

Kōnseyekonomikā zīnigda komisō-rāmba, arzeķa, nin-buiid la b durwa-rāmb koglg weengē bī būn-zēng fāa zug a sēn tagsd tū na n sōnga yēnda a tuvmdē wā.

### *Koeeg 69 soaba*

Kōnseyekonomikā sā n wa be vaeesg zugu, n mik tū nasyōzini sullā tēng a yembr n tar tulsem ne yellā wumbo, a boond-a lame t'a wa zīnd n kelge, la a pa kēed vot maaneg tuvmdē ye.

### *Koeeg 70 soaba*

Kōnseyekonomikā tōeeme n maan yē me sēn tōe tek tū sul-tumdsā wa seed a tuvum saab noy yiisgu, bū a komisō-rāmbā rēnda, la bāmb pa naagd n vot ye. A tōeeme me n maan a sēn tōe tek t'a meng nebā me tu zīnd n seed sul-tumdsā tuvum saab noy yiisgu.

### *Koeeg 71 soaba*

Kōnseyekonomikā tōe n maana yē me sēn tōe tek n paam n yā sul b sēn boond tū Owenze-rāmb nins tuvum sēn kēed yē tulsmā weengē wā. A sēn gāneg yel ninsā tuvum tōe n dogla sul sēn tuvd-b āndūni wā ween-vusā fāa wā, bū sul sēn be tēng a ye pugē bala. La b rengd n yāa tēngā.

### *Koeeg 72 soaba*

1. Kōnseyekonomikā n gānegd a so-tūudsi, tū be beenē a taoor soabā yākr na-kēndre.
2. Seg-taabā yākr tūuda ne b sēn na n gāneg to-to; sēn be bala, b modgdame n wilg tū tikr tōe n zīndame tū nebā wusg fāa sā n dat rēnda.

## Noor 11 soaba

**Gomd sēn yag ne tēms nins sēn pa so b mensā**

**Koeeg 73 soaba**

Nasyōzini tēms nins sēn tar bī sēn zāad tēms tī b rāmbā nan pa tōe n zā b mensā, bāmb na n bāngame tī yaa tēn-bāmb neb raab n be taoore. B na n sakame wa wēnd yīng tuumde, tī b na n modgame tī tēn-bāmb yēegdē n tūud āndūni laafi la a bāani koglg na-kēnd-sōngo, wa seb-kāngā sēn gānegā. Tī rē me la b sēn na n modg:

- a. tī nin-buiidā sēn be tēn-bāmb pusē wā yēegdē b tēmsā zāab weengē, b arzek la nin-buiid weengē, b bāngr paang weenē; la tūud ne b rog-n-migs waoogre. B na n zāad-b-la wa sēn segde, la b gū-b ne maan-n-zvuk fāa;
- b. tī bāmb me bāngd b mens zāab n paasdē, n gūusd n bāngd nin-buiidā sēn dat tī b zāad-b to-to n paam n sōngd-b bilf-bilf tī b wa paam b mens zāab tuum-teedo, sēn sakd ne b yalē wā la b yēegrā sēn ta zīig ningā;
- c. n keng ne āndūni laafi la a bāani gūubu.
- d. n zīnig tēng yēegr yam-tirse, n keng bāngdbā ne vaeesgo, la tumd-n-taar ne taaba bī ne āndūni sul-bēd tī sā n sakdē, tī rē fāa yaa sēn na yul n tōog n pids koe-kāngā raabā nin-buiidu, arzek la bāngr weengē wā.
- e. n togd wakat fāa nasyōzini sullā taoor soabā tī sā n pa wa ninsaalbā koglg yel-solgds bī būmb sēn kēed

tēmsā mens kug-zīids noy gūdgrē, kībay sēn ya vēenes n tūud ne sōya, tēmsā yalē arzekā, nin-buiid la kaoreng wēengē tēms nins bāmb sēn zāadā pusē tī pa bāmb yell la noor 12 la noor 13 rāmbā sēn gomā.

### *Koeeeg 74 soaba*

Nasyōzini sullā tēms sakame me tī bāmb sēn segd n zāad tēms nins yell seb-kāngā sēn gomā ne bāmb mens tēn-bēdā na n tūuda yak-n-taar manegre, nin-buiidu, arzek la tolb wēengē. Āndūni tēms a taabā me yam bee yidgri (bāmb me rat n yēegame).

## Noor 12 soaba

### Nasyōzini tēn-zāads naam

#### Koeeg 75 soaba

Nasyōzini sullā na n gānega naam zāab yē meng sēn na n getē, tī yaa a sēn na n zāad tēms nins sēn na n wa ya yē n na n get-b yellā zāabo. Nasyōzini sā n wa zāad tēnga, yaa zems-taab n deng n zīndi n kōt-a so-kāngā. Tēn-bāmba, d boond-b-la ka tī nasyōzini tēn-zāadse.

#### Koeeg 76 soaba

D sā n na n ges nasyōzini sullā lugl vōorā d sēn gom seb-kāngā pipi koeegē wā, tēn-zāadsā naamā gānegrā yōod ya :

- a) āndūni laafī la a bāani baoob kengre.
- b) tēn-zāadsā yēegr baoobo, b politiki, b nin-buiid la b arzek weengē ; b bāngr paang weengē, la sōng-b me tī b bāngd b mens zāab bilf-bilfu, n wa tōog n deeg b mens n zā bī b soog b mense. Tēng fāa sēn pa wōnd a to wā yīnga, n gūus n bāng tēng fāa nin-buiid sēn date, n paam n kēes b zāabā pugē, bala so-kāng beeme.
- d) ninsaal durwa-rāmb la a soog-m-meng koglg kengre, tī pa tūud ne ned yalē, a buud bī a tūudum ye, la kēes āndūni-rāmb yamē me tī zāmaan fāa bee a to yīnga.
- e) tēng fāa na zeng a to baoob sōngre, nin-buiidu, arzek la tolb weengē, nasyōzini sullā tēms la b nin-buiid fāa gill weengē. Sōng-kāng segd n zīnda b zāab la b

buud na tēeg turg me wēengē n gūusd sullā raabo, la koeeeg 80 soabā sēn gom būmb ningā.

### *Koeeeg 77 soaba*

1. Nasyōzini tēn-zāadsā yaa tēms nins d sēn na n sōdgā la ya b sēn deng n zems taab titellā zīndg zugu :
  - a. zamaan bī tēng sēn be tēng a to la āndūni sul-kēeng nusē tī b zāad-a.
  - b. Tēng sēn bēeg n deeg tēn-bēeb nusē, āndūni zab-kēeng a yiib soabā poore.
  - d. tēng t'a zāadbā yāka yam n na n bas a zāabā ne nasyōzini
2. Zems-n-taar n na n wa wilg tēmsā sēn sōdg woto wā sēn na n paam-b n kē nasyōzini zāabē wā la zāabā sēn na n yī to-to.

### *Koeeeg 78 soaba*

Tēng sēn be nasyōzini sullā pug pa kēed titell zāabē ye. Bāmb ne taab suka, tēng fāa soo a meng wa a to wā me.

### *Koeeeg 79 soaba*

Titellā woglem teka, la toeeng buudā fāa sēn na n wa kē naamā zāab wēengē, yaa tēms nins noy sēn be yellā pugā n na n yā taab n gānege. Tēng ning b sēn dogl-a a to zāabā me zīndidame. B lagemdame n ges koees 83 soabā la 85 wā n zems taaba.

## *Koeeeg 80 soaba*

1. Sā n yōsg zems-taab nins sēn kēesd tēng titell pugē wā, koees 77, 79 la 81 sēn gomd būmb ning yellā, (rē me yaa zems-n-taarā sēn na n sid tōoge) d na n mikame tū no-kāngā pa gāneg ziig ba a ye sor n deegd tēnga, zāma bī āndūni zems-n-taar soog-m-meng bī b durwa-rāmb ye.
2. Koe-kāngā pipi tēkā pa rikd n wilg tū yaa rē n yī sabab tū sōsg sēn na n kēes tēng (a to sēn zoe n zāad) titell pug pa tōog bī a yī maasg ye. Yaa woto me ne tēms a taabā wa koeeeg 77 soabā sēn wilg-b rāmbā.

## *Koeeeg 81 soba*

Būmb sēn be zems-n-taar sēn kēesd tēng titell pugē yaa tēngā zāabā sēn na n yī to-to la zāadbā sēn na n yī neb ninsi. Zāadbā sullā d na n bool-a lame tū nasyōzini na-zinigdga. A nebā tōe n yita tēn-yeng bī tēms toor-toore, bī nasyōzini sull pug bala.

## *Koeeeg 82 soaba*

Titell kēesg zems-n-taarā tōeeme n yāk a zī-gūudsi (tōe n yū tēngā bogr bī a gilli) tū beenē la zems-n-taarā noe tumd tū b sā n pa yikd noor a to sēn be koeeeg 43 soabā ziigē.

## *Koeeeg 83 soaba*

1. Zī-gūudsā vuugā pugē, būmb sēn ya nasyōzini sullā n segd n maan fāa roga kōnseydesekirite wā; ba titellā kēesg sakrā bī a noyā sānda toeengo;

2. Tēn-zāadrā yōod-rāmb d sēn gom-b rāmb yell koeeg  
76 soabā zīgē, zī-gūusdsā neb rut-b lame me.
3. Kōnseydesekirite na n della kōnseydetitellā n paamd teelg n tumd tuum nins a sēn segd n tum tēn-zāadsē wā nasyōzini sullā yuor yīnga, politiki, arzek la ninbuiid koglgo, la kareng teelg weengē wā.

### *Koeeg 84 soaba*

Yaa modgr ne nasyōzini na-zīnigdgā t'a mao tu tēng sēn be titell pugē nidgd pāng ne āndūni laafī la a bāani teelgo. Rē yīngā, a tōeeme n tum ne tēngā sodaas sēn sak b mens yīnga, būmb sēn be fāa n tōe n sōng-a bī tēngā meng sōngre, n pids alkaool ning a sēn dīk ne kōnseydesekirite wā. A tōeeme n tall sēn sōdg-bā fāa n sōng ne tēngā meng koglgo, tēngā meng pug bāani gāag baoobo.

### *Koeeg 85 soaba*

1. Ziis nins b sēn pa yāk n yet tu zī-gūudsā, yaa asāmble wā n get zī-kāns yelā wala b titellā zīndg zems-n-taarā gānegre, b sakr bī b toeengo.
2. Kōnseydetitellā n sōngd asāmble wā la tumd a yuor yīnga.

## Noor 13 soaba

*Nasyōzini na-zīnigdsā getb tu b booon tu  
Kōnseydetitellā*

## *Sēn be-b kōnseydetitellā pugē*

### *Koeeeg 86 soaba*

1. Kōnseydetitellā ned yaa nasyōzini sullā tēms nins sēn pugdā:
  - a. Tēms nins b sēn dogl-b zīis sēn be-b titell pugē wā zāabo;
  - b. Tēms nins b sēn sōdg b rāmb yuy koeeeg 23 wā zīigē tu b rāmbā yaool pa tar tēms sēn be titell pugē n zāadā;
  - d. Tēms a taab sēn ya wusgo, tu asāmble wā yākd-b yuum a tāab-tāabo, tu sēn datā yaa kōnseydetitellā neb gilgd n tat tēms sēn tar-b tēms n zāada, la sēn pa tar-bā me.
2. Tēng sā n be kōnseydetitellā pugē, a yākda ned sēn tar bāngr sōama t'a tu led-a beenē.

### *Kōnseydetitellā yōod la a tōodo*

### *Koeeeg 87 soaba*

Asāmble wā, la yaa kōnseydetitellā n tuvd a yīnga, tuvm pugē, a tōeeme:

- a. n vaees na-zīnigdg tuvm seb-kumbdse ;
- b. n sak n kō neb sēn sūg taab noor n dat būmbu, tu b yā na-zīnigdgā n sōs rē zugu;

- d. n kūt tū b saag n ges tēms nins na-zīnigdgā sēn zāade,  
la b rengd n zemsa taab n yāk wakate;  
e. n sak goamā bū yel a taab fāa sēn gom n gāneg titellā  
zems-n-taarā baoob sasā wā.

### *Koeeeg 88 soaba*

Kōnseydetitellā maanda n sogsg buud n bāngd tēngā sēn  
be titell pug woto wā yēegrā na-kēndre politik weēngē,  
arzek la nin-buiid koglg weēngē, nin-buiid ne taab weēngē,  
kaoreng weēngē. Nasyōzini na-zīnigdsā getame n leok  
sogs-kāns n kūs asāmble tū yaa yē n get-b yelle.

### *Vot tvvma*

### *Koeeeg 89 soaba*

1. Tēng sēn be kōnseydetitellā pugē fāa koeeeg yaa a  
ye.
2. Yaa sēn wa-b la b sak n votā sōor sēn yūd-a n dīkd  
kōnseydetitellā noore.

### *Tvvmdā na-kēndre*

### *Koeeeg 90 soaba*

1. Kōnseydetitellā maanda a no-tūudsi, n wilg a taoor  
soabā yākr sēn na n yū to-to beenē.
2. B seg-taabā tūuda bāmb sēn na n gāneg b no-tūudsā  
zugu, la b segd n ninga no-tūudsē wā tū b nebā sōor  
sēn yūd sā n dat tū nebā seg taaba, b boonda tigsga.

*Koeeg 91 soaba*

Kõnseyydetitellā sā n ges n mik ti na n sõng-a lame, a  
tõeeme n bao sõngr ne kõnseyyekonomikā, bī sul-tumdsā;  
ti būmb ning sēn na n manegā sā n bee bāmbā nusē.

## Noor 14 soaba

*Āndūni gill bv-kaoor ziīga*

### Koeeg 92 soaba

Āndūni gill bv-kaoor ziīgā n ya nasyōzini tikr ziīga, buud kaoob weengē. A tuvmā tūuda no-tūudsi, āndūni gill bv-kaoor ziīgā no-tūudsi. Bāmb me naag n bee seb-kāngā pugē, tī bala rē me naaga nasyōzini sart-rāmbā.

### Koeeg 93 soaba

1. Tēng sēn be nasyōzini pugē fāa zoe n ya wa b sakā āndūni bv-kaoor no-tūudsā.
2. Sor ning tēng sēn pa be nasyōzini sullā pugē sēn segd n tū n kē āndūni bv-kaoor ziīgē wā yaa asāmble wā n yākde, la yaa kōnseydesekirite wā n yeend-a t'a maan rē. Yaa woto tēng fāa

### Koeeg 94 soaba

1. Tēng sēn be nasyōzini sullā pugē fāa yāka yam n na n sak āndūni bv-kaoor ziīgā buud fāa yē sēn be a pugē.
2. Āndūni gill bv-kaoor ziīgā sā n kao buud n dogl tēng būmb t'a pa rat n sak n maane, a zabden-taagā tōeeme n yā kōnseydesekirite t'a sā n segd bī a bao soay nins sēn na n tū tī noorā sēn dīkā paam tūubu.

### Koeeg 95 soaba

Ziig ba a ye pa be se-kāngā pugē n gīdgd nasyōzini tēng t'a ra tall a buud yell n tu gūnug ne bv-kaoor ziīg nins a

sēn date, bala zems-n-taar toor-toor tōe n bee tēms ne taab suka, bī tōe n wa zīndame.

### *Koeeeg 96 soaba*

1. Asāmble bī kōnseydesekirite wā tōeeme n sok āndūni bu-kaoor zīigā yē me tagsg būmb zugu
2. Nasyōzini sul-bāanes bī a sul-tvūmdg fāa sēn tōe n wa paam tī asāmble wā kō-b sor fāa tōeeme me n sok āndūni bu-kaoor zīigā a tagsg būmb sēn kēed bu-kaoor weengē fāa yelle, a tvūm sasa.

## Noor 15 soaba

### Sekretarya wā

#### Koeeg 97 soaba

Nasyōzini na-zakā tī b boond tī sekretarya wā neb yaa sullā taoor soaba (sekretēr zenerallā) ne neb a taab sullā sēn tōe n wa rata. Yaa asāmble wā n yākd sullā taoor soaba (sekretēr zenerallā), kōnseydesekirite wā sēn sagl poore. Yēnda n ya nasyōzini sullā tuvtumdb fāa taoor soaba.

#### Koeeg 98 soaba

Sekretēr zenerallā kēeda asāmble wā tigsg fāa gillē t'a yaa taoor soab yīngā. Yaa boto me ne kōnseydesekirite wā, kōnseyekonomikā la kōnseydetitellā. A le maanda būmb fāa sul-bāmbā sēn dat t'a maane. Yuumd fāa, a wilgda asāmble wā nasyōzini sullā tuum sēn yī to-to.

#### Koeeg 99 soaba

Sekretēr zenerallā tōeeme n wilg kōnseydesekirite wā būmb buudā fāa a sēn tagsd t'a tōe n wa yū būmb sēn na n nams āndūni laafi la a bāani.

#### Koeeg 100 soaba

1. B tuvmā weengē, sekretērā ne tuvtumdb a taabā fāa pa na n deeg tēng ba a ye goofneer saglse, b pa na n deeg ned ba a ye me sēn pa be nasyōzini sullā pugē salgs ye. B na n gūusame n da tum būmb sēn pa sakd ne bāmba, b sēn ya āndūni gill tuvtumdbā yīngā. Bāmb pa sukd būmb yell tī sā n pa nasyōzini sullā neng ye.

2. Tēng sēn be nasyōzini pugē fāa na n bāngame ti sekreteer zenellā ne a tuemd-n-taasā tuvmdā yaa āndūni gill tuvmde, la a ra wa rat n kēes a noor b tuvmā pugē ye.

### *Koeeg 101 soaba*

1. Yaa Sekreteer zenerallā n tūud noy nins asāmble wā sēn gānegā n yākd sekretarya wā tuntumdba.
2. Tuntumdb sēn duumd la b na n yāk n kō kōnseyekonomikā ne kōnseydetitellā. Na n yu boto me ne sul-tumds a taabā ti raab sā n wa beē. Nimbāmb sōtame n naag sekretarya wā tuntumdbē.
3. Tuntumdbā rikr weengē, la tuntumdbā sēn na n tum to-to wā weengē, sullā sēn na n baoodē yaa tuntumdb sēn na n tar b tuvmā minim-bēda, n tar bāng-bēd la b ya nin-turse. B sēn na n gūusdē me, yaa yākrā tōog n gūbg zāmaanā vuug sēn yalem sōama.

## Noor 16 soaba

### Noy a taaba

#### Koeeg 102 soaba

1. Nasyōzini tēng sā n kē zems-n-taar ne tēms a taab pugē, sart-bāmbā sēn sing tūubā poore, a yita tuull n tu tosg sekretarya wā t'a bāng la rik kībarā n taas ziig zānga.
2. Tēng sā n pa tū so-kāngā n kē sull pugē (wa sēn gom pipi tēkē wā), yaa a bāng t'a pa tōe n gom sul-kāng bī zems-n-taar kāng yell nasyōzini sul-tumdb ba a ye nengē ye.

#### Koeeg 103 soaba

Tak-n-taar sā n be ne sullā tēmse, sart-bāmbā weengē ne zems-n-taar a to buudā fāa weengē, yaa sart-bāmbā n na n tōoge.

#### Koeeg 104 soaba

Nasyōzini sullā tara sore, tēng sēn be a sullā pugē fāa vuugē, n tuum a tuum tī buud weengē noy pa gūgd-a, sēn na yil t'a paamd a sēn baood fāa.

#### Koeeg 105 soaba

1. Nasyōzini sullā tēng fāa pugē, a tara tōod fāa sēn sēg ne-a (tī b pa tōe n bool-a buudē ye) n tuum a tuum wa a sēn date.
2. Nasyōzini sullā tuumdb me tara tōod fāa la gūusg

ning fāa sēn sēgd ne-b tī b tōog n soog b mens n tum  
b tuumā wa nasyōzini sēn dat to-to wā.

3. Asāmble wā tōeeme n yāk noy n wilg bāmb nebā  
sēn gom tī loogā zāab sēn na n yī to-to wall a wilg  
sullā tēms zems-n-taar noy tēng fāa sēn sēgd n sake.

## Noor 17 soaba

### *Gūusg no-kolldse*

#### *Koeeeg 106 soaba*

Taoor tī b sēn gom zems-n-taar nins koeeeg 43 ziigē nan pa sing tuvma, bala kōnseydesekirite wā tēedame tī ya rē poor la yē tōe n sūd tum tuum nins b sēn dogl-a wā, t'a sā n na n gūus noor 42 soabā, tēms a naas nins sēn naag taab n tik b nus Mosku deklarasō wā zugā, yuuvmd 1943 soabā zī-likr kiuug rasem 30 raarā ne Farende, bāmb n na n yā taaba, tī sā n sakdē bī b yā nasyōzini tēms a taaba (yaa sart-kānsā tēk a 5 soabā n gāneg rēnda) n zems taab n tum nasyōzini gill yuvr yīnga, ziig ning būmb sēn segd n maanē āndūni laafi la a bāani koglg weengē.

#### *Koeeeg 107 soaba*

Sart-kānsā pa kēesd a toogo, a pa gūdgud me tī b ra tum tuvmd tēng sēn maan beem āndūni zab-kēeng a yiib soabā sasa ne tēng a to sēn sak n tik a nug sart-kānsā zugu, tī tuum-kānga sā n ket n kēeda zab-kāng weengē.

## Noor 18 soaba

### *Remsgo*

#### *Koeeg 108 soaba*

B sā n dems sart-kānsā noore, Nasyōzini sullā tēms fāa tūuda rems-kāng sā n mikame tī asāmble wā tēms a tāab fāa zugu, yiibā saha remsgā. Rē poore b le tūu b raar fāa sorā n sīdg b yam-yākrā tī ta neb a yi tāab fāa zugu yesa, tī kōnseydesekirite wā tēn-duumdsā fāa naag n kē be.

#### *Koeeg 109 soaba*

1. Nasyōzini sullā tēms tōe n wa baoo zīiga, la b yāk daare, n maan tigs-kaseng n bao n na dems sart-bāmbā, la tūuda ne vot tuumde tī sēn dat-bā ta neb a yi tāab fāa zugu, tī kōnseydesekirite wā me neb a wae sak n paase. Tigsgē wā, tēng fāa koeeg yaa a yembre.
2. B sā n moon tigs-kaseng n dems sart-bāmbā koeega, b pa sīngd remsgā tūub rallame tī tēng fāa tūu daar fāa na-kēndrā n le sīdg-a ne a nug-tikri, tī nasyōzini sullā neb a tāab zug fāa bī yiib sīd sakame, n paas kōnseydesekirite tēn-duumdsā gilli.
3. Tigs-kasen-kāng buud sā n pa tol n tōog hal n wa tāag yūvmd-yūvmd tigsg piig poore, b naagda tigs-kāng boolgā b tuumā pugē, tī asāmble wā neb a tāab svk bī yiibā fāa sā n sakame, kōnsēdesekirite wā me neb sēn ta yopoe sā n sakame.

## Noor 19 soaba

### *Sidgre, la nug-tikti*

#### *Koeeg 110 soaba*

1. Tēng fāa sēn be nasyōzini sullā pug na n gesa yē me tēngā sēn gāneg tuum-bāmbā buud weēngē n sidg sart-bāmba.
2. Tēng fāa sā n sidg sebrā n sa, a na n tu relgl-a Etazini (Ameriki) goofneerā nengē, tū yē togs nebā fāa la sekretērā tū b sā n wa yāk a soaba.
3. Sart-bāmbā na n singa tūubu, Sin tēngā, Farense, Yinyō sovyetiki, Gārendbertay, Yirlāndinoore, Etazini la tēms nins sēn sak-b sart-rāmbā wusg fāa sā n wa sidg-a sasa. Etazini goofneerā na n maana sebr sēn kumbd sidgrā tuum sēn yū to-to, n modg tū tēng fāa paam sebrā.
4. Tēms nins sēn tik b nus sart-bāmbā zugā, n le sak n sidg-bā, b sā n wa sing tuum n sa, b na boonda bāmb tū nasyōzini sullā tigindba, tū yū-kāngā b reegd-a-la bāmb sēn na n dēgl b sidgrā sebā raare.

#### *Koeeg 111 soaba*

Sart-bāmbā wā bee ne Sin-dāmb goama, ne farende, ne giliimdu la espayolle, tū b fāa tōeeme n tik n kis sid-ne. B lagem-b lame n bīng Etazini goofneerā seb-bīngdsē. A na n maana b kopi-rāmba, tū b ning bānd n wilg tū sid

yaa sōama, t'a kō tēms nins sēn tik b nus sart-rāmbā zugā goofneer-dāmbā.

Woto wā, nasyōzini sullā tēmsā toor-toorā goofneer-dāmbā kōta kaset tī b tika b nus sart-bāmbā zugu

Yū Sānfrānsisko tēnga, yvymd 1945 soabā sigr kiuug rasem 26 raare.

**Ādūni gill bv-kaoor  
zīigā no-tūudsi**

## *Ādūni gill bv-kaor zīigā no-tūudsi*

### *Pipi koeeega*

Nasyōzini sullā sart-rāmbē, b yāka yam n lugl āndūni gill bv-kaor zīig t'a na n yi sullā se-tēeg bv-kaor weēngē. Āndūni gill bv-kaor zīigā lugl la a tuvmā na-kēndr sēn na n yi a soab be no-tūuds ning sēn pugdā pugē.

## Pipi noore

### Bu-kaorā ziīg yōgnego

#### Koeeg a 2 soaba

Āndūni gill bu-kaor ziīgā yaa bu-kaoodb sēn boond tū mazistra-rāmbā n be be. B yākrā pa tū b tēms yalē ye. Yaa neb tū neb miē tū tirlmā tara pānga, b le tara bāng-beed b tuvmdā sēn ya bu-kaorā weengē tū b tēmsā wā mengā, bāmb n tōe n zīnd bu-kaorā zī-bēdē wā. Tōeeme me n yi ned sēn maan karen-bēd buvd weengē, la yē sēn sūd karem n yudā meng yaa āndūni gill buvd kaoob weengē.

#### Koeeg a tāab soaba

1. Āndūni gill bu-kaor ziīgā neb sōor yaa 15. Tēng a ye neb pa tōe n ta yiib ye.
2. Woto, b sā n tēed tū ned tara tēms a yiibu, b sōt-a lame n naag tēng ning a sēn dīt a tēng-n-biilmā yōod n yudā bū a tuvd a bu-kaorā tuvmd n yudā.

#### Koeeg a 4 soaba

1. Yaa asāmble wā ne kōnseydesekirite wā n yākd āndūni bu-kaoodbā. B yākd-b-la neb yuy tēmsā toortoorā zab-paasg sul tū b boond tū kuurdarbitraas rāmbā sēn kō, wa sēn pugdā :
2. Kuurdarbitraasā yaa āndūni tēms 103 zab-paasg bu-kaoodb sull sēn lugl Hey tēnga (Haye), tū tēms sā n yōs taab bū b tōe n ges beenē n yāk neb tū bu-ba. Nasyōzini tēng sā n pa tar a ned kuurdarbitraasē wā,

yaa a goofneerā n na n bao neb sēn tōe-b tuvmdā yuy n kō, wala sēn maand to-to n yāk bu-buud sēn na n zīnd kuurdarbitraasā me pugē wā tū b guls rē tū be yvumd 1907 Hey tēng kōnvānsō wā koeeeg 44 soab zīigē wā, zabā paasg sēn pa tūud ne zabā noorē.

3. Noor sēn gāneg sā n pa beē vēenega, asāmble wā n tū kōnseydesekirite wā sagell n ges tēng sēn sak sart-bāmbā la a yaool n pa kē nasyōzini pugē bu-kaoodb yākr sēn na n tū sor ninga.

### *Koeeeg a nu soaba*

1. Āndūni bu-kaoodbā yākr ket tū kiuug a tāabo, sekretēer zenerallā gulsda sēb n wilg tēms nins sēn sak-b sart-bāmbā wā kuurdarbitraas-rāmb neba, la sul a taab nins neb sēn tōe n yākā (tū b gom rē yell koeeeg a 4 soabā tēk a 2 zīigē wā) tū b yā taab n wa ne neb nins sēn wōnd tōe n yu āndūni bu-kaoodbā yuy sull-sulli. A yākda daar n kō-ba.
2. Sull pa tōe n wa ne neb tū yūg neb a naas ye. Rē me yaa neb a yiib bal ne sull ning sēn dat-bā n tōe n yū tēn-yēnga. Sēn wa n yaa a soab fāa, baoodbā sōor pa tōe n yūg nebā b sēn dat sōor ningā naoor a yiib ye.

### *Koeeeg a 6 soaba*

Taoor tū sull fāa yaool n kis a neda, rallame t'a reng n dī kibay ne yē me tēngā bu-kaor zīig sēn yūd-a wā, ne karen-do-bēd sēn karemd-b nebā durwa bī bu-kaorā yelā, ne akademi-bēdā la karen-zī-bēdā naoā sēn gō n be tēmsā pusē wā.

### *Koeeg a 7 soaba*

1. Sekreteer zenerallā gulsda neb nins sēn baood-b tuvmdā fāa yuy pugdg pugdga, n tūnug guls-biisā tongrā. Yaa bāmb bal suk la b tōe n kē n yāke, sā n pa wa b gesa koeeg 12 soabā tēk a 2 ziigē goamā.
2. Sekreteer zenerallā rikda yuyā woto wā n taas asāmble wā la kōnseydesekirite wā.

### *Koeeg 8 soaba*

Asāmble wā getame n yāk āndūni bu-kaoodbā, tī kōnseydesekirite wā me yāk a neba, tī ba a ye pa mi a to tir ye.

### *Koeeg a 9 soaba*

Sēn yākd-bā ningda b zutē tī neb nins sēn segd n yī āndūni bu-kaoodbā segdame n yī neb sēn tigim bāngr ning sēn segdā fāa, la sēn paasde, b segdame n yī neb sēn gūbg n tar āndūni wā na-kēndr minim, la āndūni wā bu-kaor a ween-vvusā pusē minim.

### *Koeeg 10 soaba*

1. Sēn paam-bā yaa neb nins asāmble wā neb sēn yāk-b rāmb n yūda tī kōnseydesekirite wā yāk-b n yūda.
2. Bu-kaood yākr weengē la neb nins sēn na n zīnd-b komisō ning yell sēn gom tēngr ka koeeg 12 soabā ziigē wā weengē, pa tūusd tī kōnseydesekirite wā ned yaa nin-yitg bī nin-duumdg ye.
3. Asāmble wā sā n yāk tēng neda, tī kōnseydesekirite wā me yāk ned sēn ket n ya tēn-kāng neda, ned ning yvum sēn yūdā la b rikda.

### *Koeeg 11 soaba*

Pipi yākrā sā n maan tī nebā sēn paamā sōor pa seke, b  
le maanda yākr a to. Yē me sā n ket n pa pids sōorā tī b  
le maan a tāab soaba.

### *Koeeg 12 soaba*

1. Yākr a tāabā poore, nebā sēn datā sōor sā n ket n pa  
ta, b tōeeme n zīning komisō b sēn boond tī manedb  
sulli (komisō medyatriisi) tī asāmble wā bī  
kōnseydesekirite wā sā n dat rē. Nebā sōor yaa yoobe,  
tī asāmble n yākd tāabo, tī kōnseydesekirite wā me  
yāk neb a tāabo. Nin-bāmb n na n yākd nebā sēn ketā  
n tūud neb sōor sēn dat n yūda. Sull fāa bee a zīigē n  
yākdē t'a to wā pa mi tiir ye.
2. Komisō medyatriisā tōeeme n bao b yam ned n wa  
paas yākrē wā, hal tī b yāk-a saoba, ba ne sēn pa tū  
sor ning d sēn gom a soab yell koeeg a 7 soabā zīigē wā.
3. Komisō medyatiriisā sā n mik tī yē pa tōe yākrā  
tuumde, bu-kaoodb nins b sēn zoe n yākā n na n vaees  
neb nins b sēn yāk tī gal n yūd asāmbleē wā bī  
kōnseydesekiriteē wā, n yāk nebā sōor sēn ketā beenē  
tī pidi. Kōnseydesekirite wā n yākd wakat ning b sēn  
pa segd n zuvgā n kō-ba.
4. Bu-kaoodbā me noor sā n tu wa ya yembre, bu-  
kaood ning yuum sēn yūdā koeeg pāng n yūde.

### *Koeeg 13 soaba*

1. Āndūni bu-kaoodbā yākda yuum a wae-wae. Yuum  
a wae wā poore, b tōe le yāk-f lame. Būmb be, pipi  
bu-kaoodbā sēn na n yākā, b nu n na n zīnd yuum a

tāabo, tū b nu me zīnd yvum a yoobe.

2. Sekreteer zenerallā na n maana poeere, n kell yāk bu-kaoodb nins sēn na n zīnd-b yvum a tāab bū yvum a yoobā. Na n yū b yākrā poor bala.
3. Āndūni bu-kaodbā bee b zīigē hal tū b wa yāk neb sēn na n led-bā. B sā n yāk neb nins sēn na n led-bā poor me, b ket n bee yel nins b sēn dogl-bā zugu.
4. Āndūni bu-kaood sā n yak yām n na n bas a tuvmdā, a togsda b taoor soabā, tū yē rik kibarā n taas sekreteer zenerallā. Sā n yī woto bala, a soabā zīig zoe n yaa viuvugo.

#### *Koeeg 14 soaba*

B sā n dat n bao ned a to n ning zīig ning sēn lebg viuvugo, na-kēndrā kell n yaa wa pipi wā b sēn wa n dat bu-kaodbā gill tū d wilg tū loogā. Sēn welg ne beenē, yaa tū kiuug ning sēn pugd-a zīigā vuug lebgrā poor bala, sekreteer zenerallā yikda ne tuvmdā wa koeeg a 5 soabā sēn wilg to-to wā, tū kōnseydesekirite wā yāk votā raare.

#### *Koeeg 15 soaba*

B sā n yāk ned n led a to rasem sōor sēn nan pa pidi, sēn kēed-a wā n pidsd rēnda.

#### *Koeeg 16 soaba*

1. Āndūni bu-kaodbā pa tōe n tum tuvmd a to politik bū neb zāab weengē ye, b pa tōe n tum tuvmd sēn kēed bāmb mens minmā pugē zīig a to me yes ye.
2. Yam-yoog sā n be ne neda, bu-kaodbā gill n get n welg yel-kāngā.

### *Koeeg 17 soaba*

1. Āndūni bu-kaood pa tōe n le kēes a nug būmb a to pugē n yi wa tuvtumda, sagend bī avoka yes ye.
2. B pa tōe n le kē būmb manegr pugē tī bāmb sā n tuma ne manegrā ned a ye, bī b yū sagend bī avoka ye. Yaa boto me tī b sā n zoe n zīnda bu-kaoorē tēng pugē bī tēms wusg yīnga (tirbinallē), b sā n zīnda vaeesg sullē bī būmb a to fāa weengē.
3. Yam-yoog sā n be ne neda, bu-kaoodbā gill n get n welg yel-kāngā.

### *Koeeg 18 soaba*

1. Āndūni bu-kaood pa tōe n dig n yiis a tuvmdē wā ye. Sā n pa mikame tī bu-kaoodb a taabā fāa mikame tī nedā sīd le pa tōe n tum tuvmdā tī zems wa sēn datā ye.
2. Sā n yi boto, grefye wā n dīkd kībarā n taas sekreteer zenerallā.
3. Kībarā sēn tall n taas sekreteer zenerallā woto wā sekame bal tī b yet t'a soabā zīig yaa viuvugo.

### *Koeeg 19 soaba*

Āndūni bu-kaoodbā tuvm sasa, b tara gūusg toor-toor la nafa-rāmb tēmsā sēn gāneg bāmb ne taab svk n kogend neb sānda b tuvmā sasa tī b boond tī iminite diplomatikā.

### *Koeeg 20 soaba*

Āndūni bu-kaood fāa sēgdame t'a sā n na n kē buvdā zīigē fāa bī a reng n pelg a pug n pulem t'a na n kē n tuva a tuvmdā n pa kill n leb ka bī ka ye.

### *Koeeg 21 soaba*

1. Āndūni bu-kaoodbā n tigsd taab n yāk b taoor soaba, yuum a tāab fāa. Yuum a tāabā poore, b tōe n le yāk-f lame.
2. Bāmb n le yākd b sēb yell get b sēn boond tū grefye wā. B tōeeme n yāk neb me sēn na n get tuum a taab sēn sēgd ne-ba.

### *Koeeg 22 soaba*

1. Āndūni bu-kaoorā na-yir yaa Hey tēnga (Haye), la b tōeeme n tu zīnd zīig a to n bu buvd tū b sā n dat rē;
2. Āndūni bu-kaoodbā taoor soab ne b grefye wā bee na-yirē wā n vui.

### *Koeeg 23 soaba*

1. Āndūni bu-kaoorā zīig bee tuum zug wakat fāa. Sā n pa b sēn wat n yāk wakat n boond tū bu-buvd vvvsgā sasa. Rē me, yaa bāmb n yākd a sasa wā la a sēn na n kaoos rasem sōorā.
2. Āndūni bu-kaood fāa tara sor n paam vvvsg wakat-rāmb sēn gānege. Yaa bāmb n zīnd n yāk ned kam fāa sēn tōe n loog daar la sēn lebgd daare. La b geta ned fāa yir sēn zār ne Hey tēng to-to.

3. Āndūni bu-kaood fāa sēgdame tī b sēn wa n dat-a wakat ning fāa bī a ūndi, sā n pa a bee vuusgo, wall a bēedame bī būmb a to a sēn tōe n togs taoor soabā n paam buum n gīdga.

### *Koeeg 24 soaba*

1. Bu-kaood sā n mik tī yēnda sēn pa na n ūnd būmb buvdē n sāo ne-a, a togsda b taoor soabā yellā;
2. Āndūni bu-kaoodbā taoor soab sā n mik tī bu-kaood ning sā n pa ūnd buvdē n sāo, a togda a soaba.
3. La woto wā pugē, bu-kaood ne b taoor soabā sēn pa zemsd taaba, bu-kaoodb a taabā n dikd noore.

### *Koeeg 25 soaba*

1. Āndūni bu-kaoorā tuvmd yaa bu-kaoodbā fāa n ūndid ū-yēng n naagd taab n tume ; sā n pa no-tūud-kānsā sēn bas tī gānegr a to tōe maaname ;
2. Sā n tōeeme tī bu-kaoodbā sōor ra tol n paoog piig la yembre, āndūni bu-kaoodbā tōeeme n gāneg tī wakat sānda b tōe n yākd bu-kaood bī bu-kaoodb tī vuusdē(tī gild n tat ned kam fāa).
3. Āndūni bu-kaoodbā sōor sā n ta bāmb b wae, sekame tī b kē buvdo.

### *Koeeg 26 soaba*

1. Āndūni bu-kaoodbā tōeeme n weel sull-sull n bu yel sānda b sēn deng n miē wa tuum yela, teedā kōom tēnsā pusē wā la kibayā kūun yela. Sēn be bala, sull pa sēgd n paoog neb a tāab ye.

2. Āndūni bu-kaoodbā tōeeme me n lugl bu-kaoodb sull tī b zīnd n ges yell b sēn yāk n miē. Bu-kaoodb sōor sēn na n ges yellā yaa bu-kaoodbā sull n zemsd ne sēn dat-b buvdā n gānege.
3. Sul nins d sēn yet tī tōe n lugla ka wā fāa kaooda buvdo, tī b sā n data.

### *Koeeeg 27 soaba*

D sēn gom sul nins yell koeeeg 26 la koeeeg 29 ziigē wā fāa sā n kao buvdo, yaa wa āndūni bu-kaoodbā gill n kao.

### *Koeeeg 28 soaba*

D sēn gom sul nins yell koeeeg 26 la koeeeg 29 ziigē wā tōeeme, tī bāmb ne sēn dat-b buvdā sā n zems taab bī b toeem tēng sēn pa Hey tēng n tu bu b buvdā beenē.

### *Koeeeg 29 soaba*

Sā na yūl tī yell sēn wa fāa paamd welgr tuvll bala, āndūni bu-kaoodbā na n zīnigda buvdb a nu yvumd-yvumde, tī neb sā n dat tī b welg b yell tuvll-tuvll bī bāmb yik bal n manege. Buvdb a yiib me la b na n yākd n ningd yambē sēn na yūl tī nu wā sukā, a yembr sā n pa na n zīnd bī a ye yī tuvll n deeg-a.

### *Koeeeg 30 soaba*

1. Āndūni bu-kaoodbā gānegda na-kēndre, n wilg bāmb sēn tuvmd tuvm nins sēn dog-bā to-to. B wilgda b sēn tūud sor ning n kaood buvd to-to.
2. Bu-kaoodbā tōeeme n gāneg b na-kēndrā seb pusē tī neb a taab sēn be buvd ziigē tī b boond tī asesēer-

dāmbā tōeeme n zīnd bāmb buvdē (ba tū b ya sull-sulli), la b pa tar koeeg vot sasa ye.

### *Koeeg 31 soaba*

1. Āndūni bu-kaood tēng sā n wa ne yelle, a tara sor n naag n bu yellā.
2. Bu-kaoodbā suka, tēng a yembr ned sā n be be, sēn kell-bā me tōeeme n bao ned n tu zīnigi, tū yē me yaa wa bāmb me bu-bvuda. Sēn dat n yūdā yē yaa nedā yākr tū na-kēndr ning sēn gāneg koeeg a 4 la koeeg 5 soabā zīgē tū loogā sore.
3. Bu-kaoodbā suka, tēng ba a ye bu-bvud sā n pa be be, ned kam fāa tara sor n tu zīnig bu-bvud wa d sēn gom tū nan loogā.
4. Gom-kāensā tūuda ne koeeg 26 la koeeg 29 soabā bala. Sā n wa ya woto, bu-kaoodbā taoor soab na n gesame n bōos āndūni bu-kaood a ye bī a yiib tū b bas b zīisā n kō bāmb neb a taab nins yir sēn yaa tēms nins sēn wa-b buvdē wā, wall b sēn lagem taab n yāk neb nins sēn segd n bu-b bāmbā.
5. Neb sā n lagem dat būn-yēnga, noyā toor-toorā sēn be ka wā yetame tū yaa zī-yēng bal n so-a. Yam-yoog sā n wa beē, bu-kaoodbā n welgde.
6. Bu-bvudb nins b sēn ges koe-kāngā tēk a 2, a 3 la a 4 rāmbā n yākā segd n sakda ne seb-kāngā koeeg a 2, a koeeg 17 soabā (tēk a 2 zīgē wā), a koeeg 20 la a koeeg 24 soabā raabā. Bu-bvud-bāmb me kēeda buvdā wa b.taabā me tū b fāa ya yembre.

### *Koeeeg 32 soaba*

1. Āndūni bu-kaoodbā tara yaood yuuvmd fāā.
2. B taoor saobā tara yaood sēn yaa yēnd a yembr rēnda.
3. Taoor-soab pugdgā tara yaood yē sēn deeg taoor soabā tuum daar fāā.
4. B sēn tū koeeeg 31 soabā n yāk bu-buudb ninsā tara yaood daar fāā bāmb sēn tum b tuvmdā.
5. Yaa asāmble wā n yākd bu-kaoodbā yaood la tuum a taabā me keoore. Pa būmb b sēn tōe n woog ti b rāmbā rasem nan ketē ye.
6. Yaa asāmble wā n gānedg grefye wā ligd-yaoodo, la yaa bu-kaoodbā mens n togend-a.
7. Asāmble wā gānegda noor sēn wilgd bu-kaoodbā la grefye wā sēn na n dīkd b yaoodā to-to, la bu-kaoodbā ne grefye wā sēn na n paamd b kēnā lidg leobsgo.
8. B ligd-yaoodā la b ligd-lebsdsā pa rogend tags-rāmb ye.

### *Koeeeg 33 soaba*

Bu-kaoorā zīig zāabā gill roga nasyōzini, n tūud asāmble wā sēn na n gāneg to-to.

## Noor a yiib soaba

### Bu-kaoorā ziīg tōodo

#### Koeeg 34 soaba

1. Yaa tēms bal n tōe n kēng ne buud āndūni bu-kaoodbā taoore.
2. Bu-kaoodbā toēeme, n gūusd b no-tūudsā b sēn gānegā, n kos āndūni nin-buiid sulā tī b kō b kibay buud b sēn be zugu. Sul-bāmb sā n yāk yam n wa kis- b kibayā ba tī b pa sok-ba, b reegdame me.
3. Sulli, lagem-n-taar bī kōnvāsō no-zīnigds goamā sā n yī sabab tī buud wa āndūni bu-kaoodbā nengē, grefye wā togsda sul-kāngā, bī lagem-n-taar kāngā, la a wilg goamā sēn kēn n ta zīig ningā.

#### Koeeg 35 soaba

1. Āndūni bu-kaoor zīigā yaa tēms nins sēn sak-b a no-tūuds-kāensā wā bu-kaoor zīiga.
2. Tēms a taabā sēn tōe n tū sor ning n wa kos buud tī gūdgr sēn kēed zems-n-taar a to pug sā n pa beē, yaa kōnseydesekirite wā n get rēnda yelle. Sēn be bala, sēn wa n tu yaa a soab fāa, āndūni bu-kaoor zīigā na n tuma a tuumd fāa tī zemsdē n pa killdē ye.
3. Tēng sēn pa be nasyōzini pugē sā n wa be buud pugē, tī yaa āndūni bu-kaoodbā n na n kao, b wilgd-a-la yaood ning a sēn sēgd n yao bu-kaoorā zīig zāab

yīnga. La sā n mikame tū ya tēng sēn zoe n sōngd ne āndūni bu-kaoodbā zāabo, a pa kit būmb ye.

### Koeeeg 35 soaba

1. Bu-kaoodbā tōod gūbga būmb buudā fāa sēn kēed b sēn yet bāmb bu wā fāa, le gūbga būmb fāa nasyōzini sart-rāmbā sēn gānege, la zems-n-taar a taab me fāa.
2. Tēms nins sēn sak-b no-tūud-bāmbā wā tōeeme n wa yāk yam, tū pa tēng a to n modg-a, n yeel tū yēnda ne tēng a to buud fāa b na n tallame n kēng ne āndūni bu-kaoodbā taoore, tū tēn-kāng me sā n saka boto, yēl sēn pvgdā weegē:
  - a. noor sēn gāneg vōor bāng n tū tū zems weengē;
  - b. buud yēl fāa sēn kēed āndūni tēms ne taab weengē;
  - d. rōadg tuvmd buudā fāa zugu, tū sā n sīd mik tū tuvmdā sīd tumame bī sīd yaa f sēn pulem būmb ne āndūni rāmb yidgr weengē;
  - e. manegr ning sēn sēgd ne tēnga, a sā n wa yidg būmb b sēn pulem āndūni rāmb weengē.
3. Yam-yākrā yell d sēn gom tū loogā tōe n yikame n gāneg bala; wa sēn tōe n yī tēms n yā taaba. Tōeeme me tū gānegr tall rasem sōor sēn yāke.
4. Yam-yākrā woto wā rīkdame n togs nasyōzini wā sekreteer zenerallā tū yēnda yīlm-a (n maan kopirāmba) n yāk n kō tēms nins sēn yāk-b noorā, la a yāk n naag no-tūud-bāmb n bīngi, la a yāk n kō āndūni bu-kaoodbā grefye.

5. Yāmb sā n ges āndūni bu-kaadbā no-tūuds sebrā (seb-kāngā) sēn gom yam yākr yell a koeeg 36 soabā ziigē n maan y zems-n-taare, yāmb sēn yāk zemsgā saabā daar sā n nan pa ta, būmb sēn be ne yāmb ne tēng a to sēn sak no-tūud-bāmbā fāa ket n bee āndūni bu-kaoodbā nugē hal tī y yākrā daar wa pidi.
6. Yam-yoog sā n bee ne āndūni bu-kaoodbā na tōog tuvmdā bī b kōn tōoge, bu-kaoodbā n welgd rē.

### *Koeeg 37 soaba*

Zems-n-taar sā n da gānegame tī buvd segd tūud Sosyete dēnasyō Kuur permana de zistiisi (yaa sull sēn deng taoor tī nasyōzini nan pa rog ye), yaa āndūni bu-kaoodbā n na n bu bu-kāng tī sā n mikame tī tēmsā bee sart-kānsā tēmsā suka.

### *Koeeg 38 soaba*

1. Āndūni bu-kaoorā lugl vōor yaa b get āndūni dūrwa-rāmbā n buvd buvd nins fāa b sēn kos-bā. Rē yīngā, a geta :
  - a. Āndūni zems-n-taar-dāmbā toor-toorā ( āndūni gill bī tēms sānda) yam-dāmba, tī tēms nins sēn bool-b taab buvdā mens mi b tirlmā ;
  - b. Āndūni rog-n-mik nins d sēn mik tī nebā fāa sak n tuvdame wā, tī d lagem n yetē tī yaa rē yēne la dūrwa wā ;
  - d. Āndūni-rāmb yel-gānegds toor-toore, tī tēms nins sēn woak-bā fāa sakd rēnda wā;

- e. bū-bvudbā sēn zoe n kao bvud ninsā, la sēn  
mi-b publisite wā sōama wā sēn tūud yam-bed  
ninsā, tī sā n mik tī pa na n yōsg ne koeeg 59  
soabā sēn yeelā.
2. Wā fāa sēn gomā pa gīgdr bū-bvudbā tī b sēn bvud-b  
rāmbā, sā n data, bī b tū sēn segd bal n bu tī zems ye.

## Noor a 3 soaba

### Koeeg 39 soaba

1. Buud goam nins bu-buvdbā sēn na n tar n tumdē wā yaa farend la giliimdu. Nebā fāa sā n zems taab ti buvdā na n buu ne farende, yaa farend la b buvd ne. B sā n zems taab ti buvdā fāa na n yu ne giliimdu, yaa gom-kāng la talld n bu.
2. Nebā sā n pa reng n zems taab gomd ning sēn na n tall n tumā, ned kam fāa gomda gomd ning a sēn date. Buvdā me kaooda ne farend la giliimdu, rē poor ti b yāk gomd ning sebr sēn sēgd n tū wā.
3. Bu-kaoodbā tōeeme n sak ti tēng gom buud gomd ning a sēn date, ti tēngā sā n deng n kose.

### Koeeg 40 soaba

1. Yelā tata āndūni bu-kaoodbā taoor ne soay toortoore. Tōe n ya tēmsā n mak n kong n zems taab n taas yelā beenē, bī yaa tēng n guls sebr n kō grefye wā n dat āndūni bu-kaoodbā buvdo. La sēn wa n tu yaa a soab fāa, būmb ning sēn ya sabab ti yōs-taabā kē wā sēgd n yu vēnega.
2. Grefye wā tuvmd yaa a yik tuvll bal ti buvdā sēn kosā kibarā ta sēn dat-a fāa n wume.
3. A tūuda sekreteer zenerallā n taasd kibarā nasyōzini tēmsā; la tēms a taab nins sēn tōe-b n bool b taab āndūni bu-kaoodbā taoorā me.

### *Koeeg 41 soaba*

1. Bu-kaoodbā tara tōoga, tī b sā n tagsdē tī rē n segd ne yellā, n wilg tēng fāa sēn segd ne gūusg ning nananda, a dūrwa-rāmb wēengē.
2. Gūusgā yell d sēn gomā modgdame tī ned kam fāa bāng-a, la kōnseydesekirite wā me, tī d nan gūud buvdā kaoobo.

### *Koeeg 42 soaba*

1. Sēn wat-b buvdā zīigē wā yaa tuntumdbā.
2. Sēn wata buvd tōeeme n bao sagendb bī avoka-rāmb tī zīnd ne-a.
3. Tuntumdbā, sagendbā bī avoka-rāmbā sēn be buvdā zīigē wā tara nafa la gūub nins sēn segd ne-b tī b tōog n tūm b tuvmdā.

### *Koeeg 43 soaba*

1. Buvdā kēnda ning a yiibu. Gulsgo, la yik n gome.
2. Gulsgā yaa yellā sēn yī to-to wā sēn guls n wa kō bu-kaoodbā la f zabd-n-taagā, la yē me sēn guls n leokā, la sebr buvdā fāa sēn kē tuvmdē wā.
3. Yelā fāa tūuda grefye wā nugē, n tūud bu-kaoodbā sēn na n gāneg to-to.
4. Sēn wa-b buvdā ned fāa sā n wa ne sebre, a modgdame t'a to wā paam seb-kāngā kopi, tī būmb be beenē n wilgdē tī sid yaa yembre.

5.Yik n gomā yaa bu-kaoodbā sēn na n zīnd n kelg nebā toor-toorā tū b yikd n gomd b taoorā.

### *Koeeg 45 soaba*

1.Bu-kaoodbā sā n dat būmb ne neb a taab tū pa tuntumdba, sagendb bū avoka-rāmba, yaa tēng ning bāmb sēn dat būmbā goofneer la b yāta.

2.Yaa woto me tū b sā n dat n maana buvda tuum tēng pugē, n dat būmbā fāa sēn ya daliilsi.

### *Koeeg 45 soab*

Buvdā sasa, goamā yaa bu-kaoodbā taoor soabā n zāad-a n puta. Yē sā n ka yambē, yaa yēnda pugdgā. Gidgr sā n be ne a pugdgā me, yaa bu-kaoodbā yuum sēn yud-a wā n deegd tuum-kāngā.

### *Koeeg 46 soaba*

Bu-kaoorā tuvmd yaa būmb sēn pake, tū ned fāa tōe n wa zīnd n kelge; sā n pa bu-kaoodbā n tiig n yidg rē wall b buvdā rāmb b yiibā fāa n zems taab n dat tū nebā ra wa buvdē wā.

### *Koeeg 47 soaba*

1.Buvdā sā n bu daar fāa, sebr sēn kumbd tuvmdā n maande tū b boond tū porse verballe, tū grefye ne bu-kaoodbā taoor soab tik b nusi.

2.Seb-kāngā b sēn tik b nusā zīig ningā n yit seb-vēnega, tū no-koeem pa be a zugu.

### *Koeeg 48 soaba*

Bu-kaoodbā gānegda buvdā na-kēndre, la b wilg ned kam fāa sēn na ku a buvdā to-to la wakat ninga. B sogenda b mens wa sēn segde, bu-kaor daliils gūusg weengē.

### *Koeeg 49 soaba*

Bu-kaoodbā tōeeme, taoor tī gomd fāa nan pa gome, n yet tī buvdbā wa ne sebr b sēn date, bī b wilg būmb b sēn date. B sā n tōdge, b bīngda tōdgrā b yamē.

### *Koeeg 50 soaba*

Wakat fāa, bu-kaoodbā tara sor n kō vaeesg tuvmd bī bāng-kāag tuvmd bāmb sēn dat ned ninga, bī biru ninga, bī sul-tumdg ning bāmb sēn date.

### *Koeeg 51 soaba*

Buvdā sasa, sokr sēn tara yōod tōe n soka kaset-rāmbā ne bāng-kāasā rāmba, la tūuda na-kēndr ning bu-kaoodbā sēn na n gānege, tī rē kēed koeeg 30 soabā zīigē goamā tuvme.

### *Koeeg 52 soaba*

Bu-kaoodbā sā n yāk daar tī buvdbā paam n kēes b sebā la b kaset-rāmbā fāa n sa, b tōeeme n tōdg gomd a to bī sebr a to sēn wa poorē, tī buvd a yembr rat n paase, t'a to wā yaool pa sake.

### *Koeeg 53 soaba*

1. Buvdbā ned a yembr sēn pa wa, la a pa kumb a buvd yel n kīse, ned a to wā tōeeme n kos bu-kaoodbā tī b kao buvdā n kō-a.

2.Bu-kaoodbā, taoor tī b bu n kō-a, b rengd n gesa bāmb sā n tōee tuvmdā wa koeeeg 36 la 37 sēn gomā, la kaoobā bāmb sēn dat to-to wā sā n ya būmb sēn ya sīd la sakd ne bu-kaoor weengē.

### *Koeeeg 54 soaba*

- 1.Buudbā bī b letbā, sagendbā la avoka-rāmbā sā n wilg bāmb sēn tar fāa bī bāmb sēn tēed tī sōngda tuvmdā n sa bu-kaoodbā taoore, b taoor soabā pagda goamā.
- 2.Bu-kaoodbā yikdame n tu kē b bu-kaoorā roogē n kao buvdā.
- 3.Buvdā kaoobā ya būmb sēn solgd n tume.

### *Koeeeg 55 soaba*

- 1.Bu-kaoodbā noor rikr yaa sēn wa-bā sōor sēn yudā sēn be zīig ningā.
- 2.B sōorā sā n wa zem taaba, b taoor soabā bī sēn led-a yēnda wā koeeeg zis n yuda a bu-kaoodb a taabā.

### *Koeeeg 56 soaba*

- 1.Buvdā kaoodame tī pidi.
- 2.B guldsda bu-kaoodb nins sēn zīnd-b tuvmdē wā yuya.

### *Koeeeg 57 soaba*

Buvdā sēn kao to-to wā sā n pa noom bu-kaoodbā sānda, bu-kaood fāa tara sor n gulds yē meng sēn tags to-to ne tuvmdā n naag sebē.

### *Koeeeg 58 soaba*

Bu-kaoodbā taoor soab la grefye wā tikda b nus buvdā kaoob sebr zugu. B karemd-a-la nebā fāa taoore, b sēn deng n togs buvdbā fāa poore.

### *Koeeeg 59 soaba*

Bu-kaoodbā sēn kao buvdā to-to wā roga bu-kāngā ne a buvdbā bala.

### *Koeeeg 60 soaba*

Buvdā sā n kao n sa, saame. Pa tōe n leb poorē ye. Yōstaab sā n wa be buvdā sēn kao neng ningā weengē, bu-kaoodbā sā n data, b kelgd-b-la wa bāmb sēn dat to-to tī b sā n kos-ba.

### *Koeeeg 61 soaba*

1. Buvdā kaoob manegr pa tōe n wa kotē, rallame tī būmb sēn tōe n sīd leng buvdā kaoorā n zīndi, tī buvdā sēn wa n kaoodē wā b ra pa mi būn-kāng tiir ye. Bu-kaoodbā ra pa mi a tiiri, sēn dat-a tī b lebs buvdā me ra pa mi a tiiri, la b pa tōe n sābg-a a sēn da pa mi rē wā ye.

2. Bu-kaoodbā n yiisd noor n gāneg buvdā manegre, būn-paall sēn kē suk yīnga, tī būn-kāng sīd ya sabab n tōe tī tuvmdā lebg n singe, tī b sak tī buvdā lebsg kosgā segdame.

3. Bu-kaoodbā tōeeme n yet tī buvdā pakr tūuda bu-kaoor ning sēn kao tī loogā pidsg nanda.

4. Buvdā lebs n singā kosgā yaa būmb sēn segd n maane,

b sēn yā būn-paallā kiuug a yoob bal poore.

5.Buud kaoob yuum piig poore, ned le pa tōe n kos tī b  
lebs n maan-a ye.

### *Koeeg 62 soaba*

- 1.Tēng sā n mik tī buud pugē, budgr n tōe n wa kē  
yēnda yōod sānda pugē, a tōeeme n guls n togs bu-  
kaoodbā, n kos sor n paam n gome.
- 2.La bu-kaoodbā n welgd rēnda.

### *Koeeg 63 soaba*

- 1.Buudā vōorā sā n yaa zems-n-taar zug tuum wēengē,  
tēms a taab sā n bee zems-n-taar kāng pugē, grefye  
yita tuull bal n togs-ba.
- 2.Tēn-kāns fāa tara sor n gom buudā ziigē. B sā n kao  
buudā, tēms nins sēn wa n gomā fāa tūuda bu-kaorā.

### *Koeeg 64 soaba*

Bu-kaoodbā sā n yāk noor a to tī pa sēn yeel ka wā, tēng  
fāa n get a buud sogl yelle.

## Noor a 4 soaba

### Vaeesg kibay kūuni

#### Koeeg 65 soaba

1. Āndūni bu-kaoodbā tōeeme n kō b yam tagsg sokr fāa sēn kēed buud weengē, sul-tumdg bī tuvm-ziig fāa nasyōzini sart-rāmb bī noy a taab sānda sēn kōt-a sor t'a tōe n soka sok-kāng buudu.
2. Būmb ning b sēn dat tī āndūni bu-kaoodbā ges n kō b yam-tagsgā yaa būmb sēn dengd n guls n wilg-ba. Sokr ning sēn dat tī b leukā segd n yū vēenega; sebr sēn tōe n sōng tī b wum sokrā sōama fāa tūudame.

#### Koeeg 66 soaba

1. Grefye wā reegdame tī vēenegā baoob sebrā taame, n kell n dik sokrā n taas tēms nins sēn tar-b sor n boond buud āndūni bu-kaoodbā nengē wā fāa.
2. Sēn paasde, tēng fāa sēn tōe n bool buud āndūni bu-kaoodbā nengē fāa, la āndūni sull fāa bu-kaoodbā bī b taoor soabā (b sā n ka beē) sēn tagsd t'a tōe n kōo vēenem sokrā zug fāa, grefye wā gulda turg n wilg a soabā tī bāmb tōe n deega seb sēn guls n kōt vēnegr buudā fāa sēn kēed sokrā weengē. Bu-kaoodbā taoor soab n yākd daar ning sebā waang sēn pa segd n zvugā. A wilgdame me tī bāmb tōeeme n zīnd n kelg nebā goamā, n yākd wakat rē me yīnga.
3. Tēng sēn be b sēn sōdg-b rāmb yell koe-kāngā tēk a 2 soabā ziigē yīngr ka wā sā n pa paam tī grefye wā

guls n kō-a turga, tī yē yaool n dat n kis a vēnegre, bu-kaoodbā n gete.

4. Tēms nins bī sul nins sēn kō-b vēnegr sēn guls bī sēn gom balā tōeeme n deeg neb a taabā me vēnegr n vaees n bānge, la bu-kaoodbā n na n gāneg dayā, la yel nins zug sēn sēgd n vaeesā n tūud būmb ning bāmb me sēn datā.

### *Koeeg 67 soaba*

Bu-kaoodbā tigimda nebā n wilg vēnegr ning bāmb sēn paamā. B rengd n togsa nasyōzini sekreteer zenerallā, nasyōzini tēmsā la tēms a taabā me letbā la āndūni sul-bēdā me.

### *Koeeg 68 soaba*

Bu-kaoodbā sā n wa kōt vēnegr yell zugu, b yam ket n bee seb-kāngā koeesā zut tī b gūusd-ba, sēn yūd fāa gūusg nins sēn be yōs taab zug buvd wēengē wā.

## Noor a 5 soaba

### *Koeeeg 69 soaba*

No-tūudsā seb-kāng manegr na n kell tūu nasyōzini sart-rāmbā me manegr na-kēndre, tī sā n pa kōnseydesekirite wā n kō asāmble wā sor t'a yiis no-paal n wilg tēms nins sēn pa be-b nasyōzini sullā pugē wā sēn na n tū sor ning n tōog n naag no-bāmbā manegr tuvmdē.

### *Koeeeg 70 soaba*

Āndūni bu-kaoodbā sā n dat n maneg no-bāmbā sānda, b gulsdame n kō nasyōzini sekreteer zenerallā n wilg tī b rata noor remsgo, tī kēed koeeeg 69 sēn wilgā.